

DITYADODA

Dityadoda Jesucristunchiy

1 ¹Jiryatirya dityadoda Jesucristunchiy jiryatiy sasayada Jüdenura sadatyanu Jesucristu jimyuchechimyirya, nutyura rāchasara jiryundamu, nutyura. Sadatya-tadeda jīta yipanumusiñi jimyuchechiy Juán. ²Niñi tuchusara jiyura Jüdeno niqejada, Jesucristu tuchodantiy, tītajū jiryatiy sadiyada riva. ³Jchanatyasi jītani minityi niqesara ramu jirya niqejada, satuvachusara varyi ramu, jiryatiy sanutyanchara Jüdeno jiyura, tapi ratuudiyēnumara rarunda.

Juán nurya catera ruumujū darajuñijyate jityeryanijyo siityarivajyuu

⁴Ray Juán rañy jiryejyura catera jiryatiy jiryevyichasara darajuñijyate jityeryanijyo siityarivajyuu Ásiya mucadimu. Jüdeno jantyutyada rācha jiryejyū, samiy vichasada jarye risajū, simusiy nityi vichasara diye, savichanuyada tarintiy, sajnichara tītajuntiy. Samiy vichasada jiryejyū ruumusintiy danujuñijyate jnutuvedantiy jiryatiy Jüdeno masajo tuunu vichavadyeryi. ⁵⁻⁶Samiy vichasada Jesucristumusintiy jiryatiy sītenu tuchuni. Niñi vichasara diibyimusiy misī munatyantiy, nityi nusuchara riy mucadi jamu nutyityumiy tītajū. Simuni jīta nityi vatasara vuy, jiryatiy sapuchara yindajata vuryivasirya vujyuuchuedantiy, simu jīta rāchajayasara vanda, nusuyada jarye

junarejū risajū tītajū, jiryatiy sabachara yinsuvveyjyū vuy, vuryatidye jchanajeyasara sanijyū sajay Jüdeno. iDaryanuma rāchajayasara taarye!

⁷iJiryajnyū! Sajnichara nuvachiñube, riryadiy tītajū nisityavay varyi siva, rijerye jiryatiy richityeda crusityasantiñi. Mucadi nijyanvajyuu jīta ranuvachara variñi. iDaryaniday rāchasara! ⁸“Rañi rañicha munatyī, tamityī jarye”, sutachara Vujyē Jüdeno jiryatiy savichasara diye, savichanuyada tarintiy, sajnicharate tītajū jvaaryatentiy.

Juán diyada siva Cristu jiryatiy sadanuyada

⁹Ray, Juán, jiryetyeryi jiryatiy radyetyasara jiryisara paruchariy, Jüdeno nusuyada jarye, tapimusiy jachideda Jesús jtyamu jarye risajū, rañi vichanuyada Pátmusiy jtyatara ratyuumu, jiryatiy ratyuchunuyada vijyomujachera Jüdeno niqejada Jesús nchiy. ¹⁰Jiituyada rundamu jīta jiryatiy savichada Jüdeno Jnutu riva, ratyuvachoda jītara tī niqejada raryudivasiy, saniquejasubeda jīta jaryi, nutyu sūtaro natutya. ¹¹Suteda jīta:

“Jiryatiy yadiy riva, yama nuy catera padyevyara, yajpa varyi rachiityarivajyuumura, jiryatiy rivyicha Evésumu, Esmírnamu jarye, Pércamomu, Tiyatíramu, Sárdisimyu, Jidadérujyamu,

Davudiséya vichadamu jarye risaju títaju.”

¹²Ranumityedanumatij ratidye diy siva nítij nique riva, radyiyada jita riva dasiijyũñijyate nõnõsiy, órútera.

¹³Racabyimu jita savichada nu vanu nutyu nijyamí denu daryá, jamuca sujatyí savichanuyada, jiryatyí puchusara puchunajetya satasavumu, jiryatyí órúterajadyerya. ¹⁴Sunojasij jita vichanuyada jaryi pupajasiy, nutyu richuu, sanisij jarye vichada nutyu jiiday quivayara. ¹⁵Sanumutu jita vichada nutyu brunsiy, jiryatyí vaniquimusiy vanda dárya, saniquejada jarye suuyada nutyu ransa jajurya daryá. ¹⁶Nini vichada danujũñijyate jdarichityí yintyityudajyomu, sutosiy jarye rasipyatayajada jchityitya jimyura, jiryatyí darajuy motárara. Samo jita danuyasara nutyu jiñi, vasetuununumatiñi.

¹⁷Radyiyadanumatij siva, raryeyada jita vadiiryo sanumututuunu. Nini jita bayada varirya jintyityudaj jomutu rañiy, suteda jita variy riva: “Ne yasuvuy. Rañi rañicha munatyí, tamityí jarye. ¹⁸Rañi rañicha jnyyada jamí day. Dañuma ravychanuchiy diiñu, diye rinujeyasara junareju, daryaday rachajayasara. Jasiñuma rimura diiyada yevyi, diijyomuju jarye risaju.

¹⁹Yanuma nurya jiryatyí jidyimya riva, jiryatyí rávicha diyentiy, ranchintiy jiryatyí racha rivasintiy. ²⁰Dutyasaranchiy jita, jiryatyí jidyí ruuva danujũñijyate jdarichiy rayntyityudajyomu, rivychasara ripavay rachiitaryivajyuumu. Jiryatyí jidyí riva dasiijyũñijyate nõnõsiy, ravichanuyada darajũñijyate jityeryanijyo rachiitaryivajyuuju.”

Evésumu vichavamyujura catera

2 ¹Yanuy caterava simuju ripanu jiryatyí ripajada ruumu rachiitaryivajyu Evésumu vichavañi:

“Daryani sutachara ni jiryatyí siricharani danujũñijyate jdarichiy yintyityudajyomu, jiryatyí sarupiñumaya nõnõsiy cabyimu, jiryatyí órútera nõnõsiidyérya: ²Ritay jita jiryiva: Radyetyatera jiryevychasada, jiryivaayada parucharimuyusiy jarye, tapimusiy jiryechideda jarye risaju. Radyetyantij jiryatimuy ne jiryechinityasara riy vacha jvaavye, jiryentyasarantiryi rityi jtay raynsubyimiy, dañumamuy ne riñichasara day. Jiryedyityanuma quivuchuvaderyi. ³Jiryechinichara tapimusiy rityamuyu, netimuy ne jiryeparyu riva rachiitaryisada. ⁴Taraqú jita ritay jiryeyaroju, jiryatyí jiryeparyumya riva jivyatada rañijyu daryatyí jiryevyatada rajotadamusiy darya ray. ⁵Ramuni jiryajachipityara jadchityí jiryeyuuyada, jiryatidye paruy variy jiyuuyadiva, jiryajvaacharantirya nutyu jiryivaayada munatya daryantiy. Netimuy ne jiryivaaryuy daryá, rajniy jiryimu, rabatyara jiryenõnõsiy ravichajomusiy, netimuy ne jiryaparuy darya jvaayadiva rajisij. ⁶Rani jita samirya jiryimu, jiryatyí jiryavittiyucharara ruvaayada Nicudáytaveda, daryatyí ravittiyuchara rantidyerya. ⁷Sama tuvachu tuyuti ramu, jiryatyí sutachara Judenu Jnutu ruuva rachiitaryivajyuura. Rasachara jita vúnúmura satidye turirya jnyyadanujo, jiryatyí Judenu jurtamura.”

Esmínamu vichavamyujura catera

⁸Yanuy caterava simuju ripanu jiryatyí ripajada ruumu rachiitaryivajyu Esmínamu vichavañi: “Daryani sutachara ni jiryatyí rañicha munatyí, tamityí jarye risaju ray, jiryatyí ravychanuyada diiñu,

ramyis̄asubeda varintyi. ⁹Ritay jita jiryiva: radyetyatera jiryeparyatya, jiryentyuyada jarye, dañuma jiryen̄icha jaryi taratavay rimu. Radyetyatentirya riryavityeyadantiy jiryatiy rutachara judfyuvedayu, dañumamuy ne riñicha Judenu nijyanvay, mitya. Riñicha jita Satanásitya jityeryanivyedye. ¹⁰Ne jiryasuvrya jiryatiy jiryajachiniy rayadajuy, tapi satanuvunutanani bayantu nutyityuriy jiryetyevay yentyadaju. Jiryaparutya vuyajuy runda saraju rivayu. Jiryama jachiniy jidyiyadasarajuy, rasachara variy jiryerya jnyada nuvi. ¹¹Sama tuvachu tuyuti ramu, jiryatiy sutachara Judenu Jnutu ruuva rachiityarivajyuura. Vúunú jitamuy ne radatyara javatyasada diiyadamusidye, jiryatiy darajuyyu diiyada darya.”

Pércamomu vichavamyujura catera

¹²Yanuy caterava simuju ripanu jiryatiy ripajada ruumu rachiityarivajyu Pércamomu vichavañi: “Daryani sutachara ni jiryatiy sutosiy rasipyataya jchityitya jimyura, jiryatiy darajuy motárara: ¹³Ritay jita jiryiva: Radyetyatera jiryevyichajo jiryatiy ravichasara Satanásiy masajo jasiy. Radyetyatentirya jiryatiy jirye jiriryira ritya, ne jiryeryeyada variy rayada, ne vinu rarundamu jiryatiy sabatyeda Antípasibe siityera jachityi rachiityarisada jiyadaju, Satanásiy vichajomu, jiryetyuunu. ¹⁴Radyetyasaterata tara jiryeyaroju, jiryatiy rivyichasara jiryequemyimu tavay jiryatiy ruresarara Badámubay datyadoda, nutyu sadatyadodatiñi Badácubay satidye bay tãanu nta judíyurveda momu, riryatidye juuchuvay sanijyu Judenu, jiryatiy riibyedara jmyichara jiryatiy bayantunijyu jnutatyasara darya, ricyadnaveda jarye risaju.

¹⁵Jasintiy jiryequemyimu riy rityi jiryiryisara daryantirya Nicudáyitaveda datyadodantiy, jiryatiy ravittiyuchara darya. ¹⁶Ramun̄itiy jiryama paruy riva. Netimyu ne jiryaparuy riva, rajniy varicharaju jiryimu, rajvachara ridchoju darya jvaavye richityityata jiryatiy ritosirya. ¹⁷Sama tuvachu tuyuti ramu jiryatiy sutachara Judenu Jnutu ruuva rachiityarivajyuura. Rasachara jita vúnun̄mura pajiitye, jiryatiy dutyasara darya, risajuntiy rasacharara ravichusiy pupasiy, jasityi nucharara vadi jtya, jiryatimyu ne ti datyara, vinu ni jiryatiy sumutyara.”

Tiyatíramu vichavamyujura catera

¹⁸Yanuy caterava simuju ripanu jiryatiy ripajada ruumu rachiityarivajyu Tiyatíramu vichavañi: “Daryani sutachara Judenu denu jiryatiy jiday quivayara nisityini, sanumutu jarye nutyu brunsy vandanu-sara. ¹⁹Ritay jita jiryiva: Radyetyatera jiryivaayada, radyetyara jiryevyatada, jiryetyuvachoda jarye, jiryimutyada jarye risaju, jiryatiy jiryimutyasara riy tavay, jiryejechideda tapimusiy jaryeyu. Tamitya jiryivaayada jita vichasara jaryinra ramusiy munatyara. ²⁰Dañuma radyetyasaterata tara jiryeyaroju, jiryatiy jiryejechin̄itya nada Jesabédajuy, jiryatiy nanitachara Judenuju tuchunuy. Nanudatyanusara jita riy rachiityarivay, nanucare variy cadnavedamujuy riy, bayantunijyu jnutatyasara jmyichara jbyedaju jarye risajuntiy. ²¹Racheyada nada nanatidye paruy riva jicyadnaveda, ne nanuparyuy jita jicyadnavediva, mitya. ²²Ranuma jatya jdívajnuvay mayamu nada, rijerye jiryatiy ricyadnavay nadisaju, rajatya paruchariy vichasadamujuntiryi, netimyu ne riryaparuy riva nadivaa-

yada. ²³Nanudadyeñu jarye rajvedapuryimuy, riryadatyasara titaju rachiitaryarivajyuu variy jiryatiy rañi rañicha nitiy vatasara ranacho titaju jiryatiy rijechivyimu dutyasara darya, ratidye murichenutanichara nuñi tiquimusiy vivaayada murichiryariy. ²⁴Jiryetyevavya ritay jiryatimyu ne richiitaryira nanudatyadoda quivuyada, jiryatiy rutachara Satanasiy datyada nicharichiryara, ritatye jiryiva: Ne rabarya tara jteda jiryetyuvachodaju ranchaju. ²⁵Vinu jiryama juriy surra rajijura jiryatiy jiryimura. ²⁶⁻²⁷Vuunumu jita, jiryatiy sivaatyityi tamitya runda sarajura rivaayada, rasacharara nusuyada, mucadi janvay nusuyadaju, daryani sasayada rajye nusuyadaju rirye. Sama tuvachutaniy yivamyuseta riy, daryani ti matirya carosiiy. ²⁸Rasachara jita ranchajuntiñi rasacharasiiy. ²⁹Sama tuvachu tuyuti ramu jiryatiy sutachara Judenu Jnutu ruuva rachiitaryarivajyuura.”

Sárdisimyu vichavamyujura catera

3 ¹Yanuy caterava simuju ripanu jiryatiy ripajada ruumu rachiitaryarivajyuu Sárdisimyu vichavañi: “Daryani sutachara ni jiryatiy danujunijyate Judenu jnutu tini, danujunijyate jdarichityi risajuni. Ritatye jiryiva: Radyetyasaratera jiryivaayada, jiryatiy rutachara jnyvye jirye, dañuma jiryenicha diivye rachiitaryarisadamu. ²Jiryayuma jidyo, jiryinutyata jiryatidye surutyaniyriy, jiryatiy vadiiryo machovaryi. Radyi daryaju riva jiryivaayada, jiryatimyu ne jiryivaamyuy samirya Judenu diyara. ³Ramunitiy jiryajachipityara daryatiy jiryimutyanyadara, daryaday jiryetyuvachodamuntidyerya. Jiryajiriryira, jiryaparuy variy riva vivaayada vaccha. Tapi netimyu ne

jiryinutyaryuy, rajniy nutyu paranuni jiryeniyaresiy jiyaroju. ⁴Jasidye jita Sárdisiy janvay cabyimu riy, jiryatimyu ne rimiydodara jichujay. Riñi jita rarupiy pupajay sujatyavay jiryatiy richara daryaju ramu. ⁵Vuunú jita, nini rajachusara sujay pupajay. Tama rapuy jnyyada padyevyasirya siya, tama, radatyasara rajyetyuunu variñi, supavatyuuunu jarye risaju. ⁶Sama tuvachu tuyuti ramu jiryatiy sutachara Judenu Jnutu ruuva rachiitaryarivajyuura.”

Jidadérujiyamu vichavamyujura catera

⁷Yanuy caterava simuju ripanu jiryatiy ripajada ruumu rachiitaryarivajyuu Jidadérujiyamu vichavañi: “Daryani sutachara Judenuyu jiintyasi jiryatiy sitenu niquera dañi. Simu jitara Davyibe nusujyo yevyi. Jiryatiy samuttasarara tara, ne vanay ti mutanura, daryadantiy jiryatiy samutanusarara tara, ne vanay ti muttantirya. ⁸Ritay jita jiryiva: Radyetyatera jiryivaayada. Jiryajnyy, rabechara yajijura rorijyu muttasara, jiryatimyu ne vanay ti mutanura, tapi dañumamuy ne vanuvye jirye, jiryechiitaryajada jitar rañiquejada day, ne jiryeryeyada variy ritya jiyada. ⁹Jiryajnyy, rasay jiryimuju riy Satanasiya jityeryanivye tevay, jiryatiy riñi nta judiyuvedayu, dañumamuy ne riñicha Judenu nijyanvay, mitya. Mitya riñi quivuchuy. Jiryajnyy, rajtitaniy jiryimu riy jasicharajutyi riryajadasinu jiryenimutu tuunuyu, riryadaya varirya jiryatiy ravyatasara jirye. ¹⁰Jiryatiy jiryeryiryira rañiquejada, jiryatidye jachiniy tapimusiyu, ramuni rabachara jantyada rundajisiiy jirye, jiryatiy rajtisara titaju mucadimu vichavajyu, ratidye jantyasara variriy. ¹¹Rajnichara jita varenu. Jiryama

bachara samirya jiryatij jiryimu dárya, sañuma sovay tĭ jiryajisirya jiñuvii.

¹²Vúunú jĭta rābachara nūtyu jūtuvū Jūdenunijyū jachipiyajōmu, ne sasipyatay ravimusīñūday. Rānūchara simuntirya Jūdenū jtyantij, savichāda jtya jarye risajū, jiryatij vadi Jerusarĭ jtyatārara, jiryatij rajmusasara jarichu-vimusi. Sajmutyāsara jĭtara rĭtyantij jiryatij vadi jtya dárya. ¹³Sama tuvāchu tūyutĭ ramu jiryatij sūtachara Jūdenū Jnutu ruuva rachiityarĭvajyuura.”

Davudiséyamu vichavamyujura catera

¹⁴Yanūy caterava simujū rĭpanu jiryatij rĭpajada ruumu rachiityarĭvajyuu Davudiséyamu vichavañĭ:

“Daryanĭ sūtachara jtōtanĭ nitij vichasara vijyōmujache tūchū sĭtenu, jiryatij sūndejadara Jūdenū jūdejada. ¹⁵Rĭtay jĭta jiryiva: Radyetyatera jiryivaayada, jiryatimū ne jiryeñĭchasara sudovay, daryantamūy ne jiryeñĭchasara vaniquivay. iNūtyu ratyajū jiryēchasara sudovay, varimiyata vaniquivay! ¹⁶Jiryatij jiryēchasara mitya vanōvay, rāyanīyeyasuminta rĭtosij jirye. ¹⁷Jiryatij jiryĭtay: ‘Jaryi taratavay nuñĭcha, nūdyeryeda rajyuura tara, ne raštye tara nūdyimusīñūday’, ramunĭ ne jiryedyeta nuñĭcha jantyuyadavay, jantyutyavay, ne taratavay, nĭsipuryimiy, sidyavūmij jarye risajū tĭtajū. ¹⁸Radyetyanusara jirye jiryataryūchara rimusirya ōru jiryatij jiidatya jantyasarara, jiryatidye vichasara sĭtenu jaryi taratavay. Jiryataryūchara rimusirya sujay pupajantij, jiryatidye jachusará yivara, ne riryādiy nijyanvay variy riva jirye sidyavūvenu jvajadasara nūday. Jiryataryūcharantirya nĭsindo jiñĭsimyujuntij, jiryatidye jnyasumij vanda rivasintij. ¹⁹Radyetyanusara jĭta

musiyeyadata riy tĭtajū ravyatavay. Ramunĭtij jiryēcha vanĭravay, jiryatidye parūy riva yivaayada vanōnura.

²⁰Jiryajnyū, raryanichara rorijyūmu, rañatuchara jadchij, jiryatij rajeryūy daryajū jiryimu. Mĭnĭtjĭ tuvachusará rañatuyada, samutta variy rajĭjura rorijyū, rajay simu variy, raťidye jmyi variy sisa, sajmyi variy risantidye.

²¹Rasāchara jĭtanĭ vūunū, saťidye masa nusuñū risa, ravyuododanumatij daryá, ramyasāda rajyē masajōmu variy, jasityū raynsūchara diye sarajū. ²²Sama tuvāchu tūyutĭ ramu jiryatij sūtachara Jūdenū Jnutu ruuva rachiityarĭvajyuura.”

Jūdenunijyū bayajada jarichuncha

4 ¹Rivasij jĭta rĭnūyada, radyiyada variy riva rorijyū muttasara jarichumu. Niquejada jĭta, jiryatij ratyuvāchoda jōtādara nūtyu sūtaru natutya, rani jteda variy rivantij: “Yanuma jasumij jiyujū, raťidye dityanu jĭrya jiryatij rāchasara jiryavasij.”

²Varĭcharajū ratyĭtuyada rĭntumu, radyiyada variy riva nutyityū masajo jarichujache, savichāda masĭ rancha.

³Masĭ jĭta vichāda nūtyu ravichū, jaryi samij vandanū. Savichanūyada jĭchu samasajo juro, nūtyu vasunū nūyara.

⁴Nutyityū masajo juro, ravichanūyada darajūy vūyajūjyō masajontij, dajyōjūy ranchajū, jasityū rimyasāda darajūy vūyajūy rimyityumij, dañūjūy ranchajū, jiryatij pupajatyavaryi, ōruteru nuviitavay jarye risajū riy.

⁵Nutyityū masajomusij jĭta rasipyatesubeda rađuyara, niquejada jarye, rŭvatarya jarye risajū. Ranūyada jĭta dasiijyūñĭjyate nonōsiij jiidatya, masajo momu, jiryatij riñĭcha danūñĭjyate Jūdenū jnutumij.

⁶Nutyityū masajo momu ravichāda

mityo, nūtyu nuvatusumanta daryá. Masajo cabyimu jīta, rūro jarye risajū, rivyichāda dañujūyu jnūvyē, rajuura nisityavay rimyovayū, riryūdiva jarye. ⁷Jnūvyē munatyī vichāda nūtyu nibyisuma, danujūjyū vichāda nūtyu voca, mūnvajyū nūtyu nijyamī motī, dañujūjyū vichāda nūtyu vavyetyusuma jinaya. ⁸Dañujūyu jnūvyē jīta vichanūyada nūñi tiquimusiy taraqunijyate nipyatavay, rajuura nisityavay yiro riy, rivyimu jarye risajū. Jūdaçā, nuporaçā jarye ne ripyarūryūyada riva niquejada: “Jiintyasi, jiintyasi, jiintyasi sanīcha Vyūntyityū Jūdenū, tītajū jvaaryataarye nītiy vichanūyadate, nītiy vichasara diyete, nītiy rajnījeyasaratentiy.”

⁹⁻¹¹Richeyadanumatyī jnūvyerya vandadoda, samiy jvadichāda jarye, jchanatyāda jarye risajū nī nutyityū masajomu masī, nītiy vichajayasara junarejū, varicharajūntiy riryeyada darajūy vuyajūy rimyityumiy, dañujūyū rinchajū, riryeyada satuunu masajomu masī nītiy vichajayasara junarejū, rijetyajara jīñuvīi masajo momū, riñiquesadede variy: “Jiñi jīta samī Nutyityū, Nuñīndenu, yatīdye jmutyāra vanda, samiy jvadichāda jarye, vanūyada jarye tītajū risajū, jiryatyī yindejada tītajūra, jivyatadamusiy jīta ravichasara tītajū, yindejada daryajūra.”

Catera siichunusara jiryatyī Carnīru muttādara

5 ¹Radyiyada jīta variy masī nutyityudamyū riva catera siichunusara, jiryatyī nūchāra ravimusiy, rarūdivasiy jarye risajū. Ravichanūyada samiy mutanusara, darajūñijyate mutanutāta mutanusara dārya. ²Radyiyada jīta siva Jūdenū jpanūntiy, jaryi vanūrya, jiryatyī sanīquejasubeda: “¿Chīra rasarā catera siichunusara

muttasāda, chī? ¿Chīra rasarā rarotyāsāda ramutanūta, chī?” ³Ne savichanūyada tī jarichumu vichī, dantyamūy ne mucadīmu vichī, ne vinu mucadī jariy vichī, chīta ramuttara catera, dantyamūy ne sasārāra nūyada ravīmu. ⁴Rīnāyada jīta jaryi variy, jiryatīmyū ne richeryeda tī chīta ramuttara catera, dantyamūy ne sunūyadasarā ravīmu. ⁵Jadchīy jīta sūteda tīquī rimyityumiy tenu riva: “Ne yajūnāy. Yajūnyū, savuunuma Nībyisuma, jiryatyī Judā jūriñūntīnī, jiryatyī Davyībe musīntīñī, savuunumāra satīdye rotýara catera mutanūta, jiryatyī darajūñijyatera, satīdye mutta varīrya.”

⁶Radyiyada jīta variy siva carnīru denū, saraniy nta nūtyu batyī rajache nutyityū masajo, dañujūyū jnūvyē parudamu jarye, rimyityumiy parudamu jarye savichāda risajū. Savichāda carnīru davujūñijyate tūyuvutī, dasijyūñijyate nisityī jarye risajūnī, jiryatyī danujūñijyate Jūdenū jnutumīdyeryī, jiryatyī supāsara Jūdenū tītajū mucadīmu vichavavya riy. ⁷Sayāda jīta Carnīru variy, sireda masī nutyityudajjomusīrya catera siichunusara yimujū. ⁸Siredanumatyī carnīrura catera, riryeyada jīta dañujūyū jnūvyē satuunu variy, darajūy vuyajūy rimyityumiy, dañujūyū ranchajū rusajū. Rivyichanūyada nūñi tīquī quitāratī, junōsiityavay jarye risajū riy, jiryatyī ōruterara, vūrudi juru rupachāra tara, jiryatyī ravichasara nta Jūdenū siityarīvajyūū jorāyada sanijyū. ⁹Rimūrāyada jīta jnūvyē rimyityumītyara vadi murrāyada jiryatyī rūtachāra: “Jiñi jīta sarye jiryedāra catera, ramutanūta muttasādantiy, jiryatyī jibetyeda, jityeryūmyūy Jūdenūjū riy nijyanvay jaryedontiy jiryatyī tītajū mucadīmu vichavaryī, tītajū tajichivyē,

títaju jaryedo niquevay, rajuura juriñnutavay jarye risaju títaju riy.

¹⁰Jibetyedamusiy jíta jityeryuyada riy, yatidye bachara yinsuvveyju riy, riryatidye jchanajeyasara sanijyu Vuryindenu, riryanusuchara varyi mucadinchantiy.”

¹¹Radyiyada jíta varyi ruuva rajuuvay Jüdenü jpävay, ratyuvachodantirya riñiquejada nutyityu masajo jurontiy, jnúvye juro jarye, rimyityumiy juro jarye risaju títaju. Rivyichada jpasavay jaryi rajuuvay, varanca varanca jiyadaju jaryi. ¹²Riñiquejasumiyajada jíta: “Sasarye jíta Carniru batyi misira, satidye jmutyara nusuyada, tarati vichada, datyada, vanuyada, samiy jvadichada, vanda, jchanatyada jarye risaju títaju.”

¹³Ratyuvachoda jíta varintyiryi jüdesavay títajuntiy, jiryatijarichumu vichavaryi, mucadimu vichavay, mucojariy vichavay, jamu nqavamu vichavay jarye, títaju jiryatij rivyichasara jüdesavay, ratyuvachoda jítara riñiquejada jiryatij riñiquenyada: “Simuju ni jíta jiryatij nutyityu masajomu masini, Carnirumuntiy sisaju rachajayasara jchanatyada, samiy jvadichada, vanda, nusuyada jarye títaju junareju.”

¹⁴Rimyutuchoda jíta dañujyu jnyvye varyi: “Daryaniday rachasara títaju.” Riryeyada rimyityumiy satuunu varintiyi, riryadasidyoda jíta sanachojuyu.

Darajuñijyate mutanuta

6 ¹Jadchij jíta radyiyada siva Carniru, sarotyadara taraqui mutanuta jiryatij darajuñijyate mutanuta ravichada cateramu. Radyiyada jíta varyi siva tiqui jnyvetyenu, ratyuvachodantirya jiryatij saniquejada nutyu rvatarya

niquejadata: “iYanuma jiya!” ²Radyiyada jíta varyi siva cavañu vaparu, samasada vanu canuti sancha. Ti sayadanira nuvii, sayada jíta vüunü varyi, satidye vuunusarantiy.

³Saroty anumatiy Carnirura darajuju mutanuta, ratyuvachoda jítara danujuju jnyvye tenu niquejada: “iYanuma jiya!” ⁴Sasipyateda jíta varyi sataryi cavañuntiy, jiryatij runañuni. Sumutyajada jíta sancha masira satidye sovarya samiy vichasada mucadimusiy, riryatidye jvatyi mucadi janvayu, ti sayada jamuday jchityitya variñi.

⁵Sarotyadanumatiy Carnirura mumuriju catera mutanuta, ratyuvachoda jíta mumurijura jnyvye tenu niquejadantiy: “iYanuma jiya!” Rinuyada jíta, radyiyada varyi siva cavañu vadacunañu, ravichada saranta sancha masi jomu. ⁶Ratyuvachoda jíta varirya nutyu niquejada nta, dañujyu jnyvye cabyimusiy, jiryatij suteda: “Taraqui quinu jaruusiy tarundaqui jvaayada murichirya, varimyata mumuri quinu variñu tarundaqui jvaayada murichiryantiy. Niña jíta, buya jarye, ne yajavatya.”

⁷Sarotyadanumatiy Carnirura daryajuyuju mutanuta, ratyuvachoda jítara saniquejada dañujuyuju jnyvye tenu, jiryatij suteda: “iYanuma jiya day!” ⁸Rinuyada jíta, radyiyada siva cavañu varyi, mitya ruuche. Savichada sancha masi Diiyada jtyati, sasiytarinu jarye vichada Diiyo jtyati. Ti sayada varyi nadara nanatidye jvaryi nijyanvay rata, jchityitya, jachijada, jdívajada, jmyirya jarye risaju. Nuñi dañujyu nijyanvamyusiy rüveda nuñi tiqui rata.

⁹Sarotyadanumatiy Carnirura tadajoyo catera mutanuta, radyiyada Jüdenunijyu rupajojariy ruuva nijyanvay bayanumiy rityi batyeyayada Jüdenü niquejada jiyadaju, jityuchoda

jiyadajuntiy, jiryatiy richiityarijadani Jüdenü. ¹⁰Riñiquejasubeda jita jaryi varyi: “Nuyntyityü, Jaamyi, Jiintyasi, Sítenu jvaarya, çnutyeryivye sarajumuy ne yamurichenutaniy nübetyeda nudaja murichirya mucadimu vichavamy, nutyeryivye?” ¹¹Ti jita sayada varyi rirya sujay pupajay, satüchoda varyi ruuva: “Jiryajituy taraquijü munatya, jasicharajutiy ribetyemy jiryetyevay siityariyavyuu, jiryetyeryiveda jarye jiryatiy riryabatye Jüdenü niquejada jiyadaju, nutyu jiryé daryá.”

¹²Sarotyadanumaty Carnirura taraquiniyatejü catera mutanuta, rinuyada jita, radyiyada varyi riva jiryatiy ravichanuyada muco siityeyajada jaryi varyi, jiñi jarye dacuyada nutyu sujay vadacujay, satituyada jarimyunü ruunajyu nutyu nudaja. ¹³Jdarichiy jita rubeda jarichumusiy mucadinchá, nutyu rajuyya ninsijyo vadijo, jamu riicho janumityajajadamusiy. ¹⁴Jarichu jarye siichudoda varyu, nutyu rasiichudodatiy caterayu, rasiquityajajada musiquivichá jivyichajomusiy, raratyuu jarye risaju varinty. ¹⁵Musiy vudiquivimu, ravichusuma tuunu jarye, ridyutyada jamu nutyityumiy varyu. Japuvéda, sutarumiy nutyityumiy, jaryi taratavay, vanuvye, muhechimiy, jijyu jvaavye jarye titaju, ridyutyada jita varyu. ¹⁶Rütéda varyi siva ravichusuma, musiquiva jarye: “iYanuma juuy nuyuncha, yatidye dutya nuy samomusiy nitiy nutyityu masajomu masi, carniru niqueyadajisij varye risajuquii!” ¹⁷iRitima daryaju saniqueyada rundasuma, ne ti rajachinityara quii!”

Irayénuvéda tevay jiryatiy nuchavaryi

7 ¹Jadchiy jita rivasiy titaju, radyiyada ruuva dañujyuu Jüdenü jpay, riryadeda mucadi sutyeryava,

jiryatiy daryajuy sutyerya darya, jasityi ruredara daryajuy riicho, rañuma duye mucadinchá, dantyamuy ne jadutuuvya, dantyamuy ninuva. ²Radyiyada jita siva Jüdenü jpanuntiy, jiryatiy samutjajada jiñi mutjomusiy. Jasiy ravichada nuytu simu Jüdenü jnuñu nijyanvay nuchadaju. Saniquejasubeda jita ruuva dañujyuu Jüdenü jpay rityi jmutyajadara Jüdenü jteda, riryatidye javatyara mucadi, jamu nava jarye risaju. ³Suteda jita Jüdenü jpanu varyi ruuva: “Ne jiryajavatyara mucadi, dantyamuy ne jamu nava, ne vinu ninu, netimuy ne nuñuchara Vuryindenuju riy samuchechimiy jimyo va titaju didye.”

⁴Ratyuvachoda jita sasaradoda riy jiñuvye, rivychada taraqui pacha varanca vaduy, daryajuy vuyajuy varanca rinchaju, daryajuy varanca rinchajuntiy. Rivychada jita Irayénuvéda juriiñu tevay titaju. ⁵Judá juriiñumusiy rivychanuyada nuchavay taraqui vuyajuy varanca, darajuy varanca rinchaju, daryaday Rubénu juriiñumusinty taraqui vuyajuy varanca, darajuy varanca rinchajuntiy. ⁶Áseru juriiñumusiy rivychanuyada taraqui vuyajuy varanca, darajuy varanca rinchajuntiy, daryaday Nejtadí juriiñumusinty taraqui vuyajuy varanca, darajuy varanca rinchajuntiy, Manasésiy juriiñumusiy jarye taraqui vuyajuy varanca, darajuy varanca rinchaju. ⁷Simeyó juriiñumusiy rivychanuyada taraqui vuyajuy varanca, daryaday Devyí juriiñumusinty taraqui vuyajuy varanca, darajuy varanca rinchajuntiy, Isacáru juriiñumusiy jarye taraqui vuyajuy varanca, darajuy varanca rinchaju. ⁸Sabunó juriiñumusiy rivychanuyada taraqui vuyajuy varanca darajuy varanca rinchaju, daryaday Jusiy juriiñumusinty taraqui vuyajuy

varanca darajuy varanca rinchajuntiy, Myijamí juriñumusiy jarye taraqui vuyajuy varanca, darajuy varanca rinchaju risaju títaju.

Nijyanvayyuu jiryatij rivyichanuyada pupajay sujatyavay

⁹Jadchij jita rinuyada, radyiyada ruuva nijyanvayyuu jiryatimuy ne vanay ti saranumuyadasara riy. Rivyichada títaju mucadimusiy, títaju juriñumusiy, títaju nijyanvamyusiy, títaju niquejada niquevamyusiy jarye risaju títaju.

Riryadeda jita pupajatyavay nutyityu masajo tuunu, Carniruu tuununtiy, rureda jítara pachivi jiyomuntidye.

¹⁰Riyarovayajada jita variy:

“Jantyutyada jita simu nutyityu masajomu masi, Carnirumu jarye sisaju.”

¹¹Judenu jpayavyuu jita, jiryatij riryadeda Nutyityu masajo juro, rimyityumiy juro jarye, jnuvye juro jarye risaju, riryeyada jita jimyota, riryadasidyoda jita sanijyu Judenu variyu. ¹²Ruteda jita siva: “Daryani rachasara títaju. Samiy bayajada jiñijyu, vanda, datyada, jchanatyada, samiy jvadichada, nusuyada, vanuyada jarye risaju, títaju rachajayasara junareju jiñijyu Nuñindenu. Daryani rachasara títaju.”

¹³Sitajadoda jita tiqui rimyityumiy tenu varirye: “Jivye pupajatyavay, ¿chavarya riñicha day, chavay? ¿Tesiñuma varintyiriy, tesiy?”

¹⁴Rimutyajada variñi: “Jiñi jita datyara, Jaamyi.” Suteda jita variy riva: “Riñi riñicha nijyanvay jiryatij riryabedara jamu paruchariy runda, ripuyada jítara jichujay, ribuyada variy Carniruu nudajatarata. ¹⁵Ramuni rivyichasara Judenu masajotuunu, ruvaachara sanijyu jachipiyajovimu jiyu, judaca, nuporaca jarye. Sacanuvunusara

nutyityu masajomu masi variy jasiryi. ¹⁶Ne riryadatyasarara jachijada nuday, dantyamuy ne jchumuyada, dantyamuy ne sajavatya jiñi riy, ne vinu riryaparutyasara vindyajareyu.

¹⁷Sajnutyasara Carniruu daryaju riy, jiryatij savichasara nutyityu masajojache, samutay variy jnuvadaja pundejomuju riy, sapuchara Judenu variy rimyovasirya runaya títaju.”

Darajuñijyate mutanunanchiy, vurudijuru rupajyonchij jarye

8 ¹Sarotyadanumatij Carniruu darajuñijyatejura catera mutanuta, rindasada títaju jarichumu vichavay ratasavu jórasaraju. ²Radyiyada variy ruuva danujuñijyate Judenu jpayavay jiryatij riryadeda Judenu tuunu. Ti sayada variy nuñi tiquira sutarumiy natutyá.

³Sitijada jita nu Judenu jpanuntiy, saradeda jita Judenunijyu vurudijuru rupajyotuunu, óruterata rupapye simu. Ti sayada jasiy rajuurata vurudijuruni, satidye jaryenu Judenu siityarivajyuu joráyadatara, satidye jnutatya variy Judenunijyu rupajyomura, jiryatij óruterata, jiryatij Judenu momura.

⁴Vurudi juru nuvachij jita jasubeda Judenu jpanu jomusiy yimuju, sasiityarivay joráyadata jaryenusara.

⁵Samuchadeda jita Judenu jpanu varirya rupapye jiidatya, jiryatij rupajyomusirya, sajatyada variy mucadinchajura. Ramusiy ravichanuyada jita rúvatarya, niquejada, raduyara, mucu siityeyajada jarye risaju.

Sutarumiy natutyanchiy nuchara

⁶Danujuñijyate jpasavay jita, jiryatij natutyatavaryi, riñi jdutya ravimu nuvodaju variyu. ⁷Sanuvoda jita munatyí jpasavatyenu jiñatutyavimu,

rūboda varyi jarichumusiy jatyasara, nūtyu sudodiichiy muriyūjuu jiidatya, nudajata jaryenusara. Mumuri mucaditeramusiy, rarupamyuyada jita tateraqui tītaju rucosiy, mumuri nīnuteramusiy jarye, rupamyuyada tateraqui risajūntiy, rarupamyuyada vachuy vasunū risajū tītaju.

⁸Sanuvoda jita danūjuju jpasavatyenu ravimu natutyantiy. Radyiyada varyi riva nūtyu musiquisuma quivayasara, jiryatīy tī jatyada jamu nāvamujura, mumuri nāvajateramusiy, taraqui tītuyada nudajaju varyi. ⁹Nūñi mūnvay jajare vichavatyevamyusiy, tīqui diiyada rucosiy, nūñi mumunumiy vapurumusiy jarye, tajnuqui jamyuyada tītaju.

¹⁰Sanuvoda jita mūnvayju jpasavatyenu ravimu natutyantiy. Sajūuyada jita jdarichiy jarichumusiy jaamu varyi, jiryatīy suquivaya nūtyu siiriñu, mumumūmīy jūdayāmumusiy, sajūuyada tamūquimu tītaju, daryaday sajūuyada mucadi jaryi vichajaamu jarye risajūntiy. ¹¹Jdarichiy jtya jita ravichada Jiivyanu. Mumuri jateramusiy, taraqui tītuyada jiivyajaju, rajuuvay nijyanvay diiyada varyi rucosiy, jiryatīy jaryi jiivyaja ramachō daryaju.

¹²Sanuvoda jita dañūjuju jpasavatyenu ravimu natutya. Mumuri jīñīteramusiy, taraqui mačojada javatyasara ramusiy. Daryaday savichada jarimyunīntiy, jdarichijyuu jarye sisaju. Ridyacuyada ritye varyi, ne vanaj ridyanuyada jaryi varyi judaca, dantamuy ne nuporaca jaryentiy.

¹³Radyiyada jita siva, ratyuvachoda varintyīñi vavyetyusumantiy, jiryatīy sajīnaya jarichujache, saniquejasubeda jita: “iAcuu, acuu, acuu! Tajnate day mucadincha vichavay riryanumatīy duu mūnvay jpasavatyevantīy, jiryatīy raštīye riñuvoda ravimu jīñatutya.”

9 ¹Sanuvoda jita tadajoyu jpasavatyenu varyi. Radyiyada jita riva jdarichiy juuyada jarichuvimusiy mucadinchaju. Tī sayada variñira yevy rorījy muttata, vataju jajyomu, jiryatīmy ne sutyeryatarara. ²Samuttada varīrya rorījyū, rasipyatesubeda jita nuvachichuma vatajumusiy, nūtyu jurunusumamusīrya, radacutyaniy nuvachiy variñi jīñi, vidavi jarye dacuyada. ³Rimyaseda jita vīndya ruvamiy nuvachichumanubesy mucadinchaju. Tī sayada daryaju riy, riryatīdye suy nūtyu richūcharatīy norityumīryi mucadīmu vichavay. ⁴Tī jita jteda ruuva: “Ne jiryajavatyara vachuy jiryatīy mucadīvara, daryantīamuy ne nīnu, ne vīnu tara jiryatīy vītarara. Jiryajavatyasara riy vīnu nijyanvay jiryatīmy ne Jūdenū nūcharatī rīmīyovay. ⁵Jūbachara jita jiryatīy mūnu riy, vīnu jiryajarupantāsara jūnurata riy tadajoy jarīmyunī saraju.” Richuyada nuvadedā jita vīchasara nūtyu norītyu suyada nuvadachara darya. ⁶Riryavatanaya nijyanvay varyi diiyadanachō, ne riryasarye varīrya. Riryatīy diiryuy, rābacharā jita diiyada riryajīsy varyi.

⁷Vīndya ruvamiy jita vīchanuyada nūtyu cavañūjuu, jiryatīy jdutyasavay juveda jiyaroju riy. Rūnōmu ravichada nūtyu nuvīi ōrūtera nta, rīmīy jita vīchada nūtyu nijyamīmōtīy daryā. ⁸Vīndya ruvamiy jnojasiy jita vīchada nūtyu vatura jnojasiy daryā, rijyada jita vīchada nūtyu nībyi jadantīy. ⁹Rivīchada dutuudyetyavay, jiryatīy nūtyu yīvamyujatyerara. Suurya riryansatīty jīñīpyata nūtyu carītavīchā, jiryatīy rasiīchīy cavañū tīyadamu, juvedanachōju. ¹⁰Rīmīyusiy jita vīchasara nūtyu norītyumusiy purīchīryotara. Rīmīysītya jīdyetyasarara nijyanvay javatyasada tadajoy

jarimiyuni saraju. ¹¹Vindya ruvamiy nutyityu jita vichasara jpasí vatajumusiy. Sitya vichasara Ebrévu niquejadamu “Abadó”, Curiyécu niquejadamuntiy “Apoñó”, jiryatiy vuryitachara “Parutara”.

¹²Raramiryimá taraqui suvuchara. ¡Acuu, acuu, rasutyedye darajuy suvuchara!

¹³Sanuvoda jita tiquinijyateju jpasavatyenu ravimu jiñatutyantiy. Ratyuvachoda jita varirya niquejada jiryatiy rasipyateda Jüdenunijyu rupajyomusiy, davuyuju tyuvumusiy jiryatiy óruteru samomura. ¹⁴Rüteda siva tiquinijyateju Jüdenu jpasavatyenu jiryatiy natutyatini: “Yanuma jmurya riy dañujuyu jpasavay puchusavay, jiryatiy rivyichasara jamu navamu, Evujrátesiy jtyatara.” ¹⁵Rivyichasara jdutyasavay rajórajiju, rarundajiju, rarimyunijiju, ravaatajiju jarye risaju, riryatidye munu riy nijyanvay, nuñi munvamyusiy, riryamunu tiqui variy. ¹⁶Ratyuvachoda jita varirya ti saradoda riy cavañuncha vichavay sutarumiy jiryatiy riryajiya munuvay. Rivyichada darajuy pacha varanca varanca sutarumiy.

¹⁷Daryamusiy radyiyada rinnyadamu ruuva cavañujuu, sutarumiy rincha. Ridyutuudyevya ravichanuyada ruunay nuchara, vasunu, vasunudi jarye risaju.

Cavañu jno jita vichanuyada nutyu jamuniby jnosumatiy daryá, rutosiy jita rasipyateda jiiday, nuvachiy jarye, asújuru jarye risaju titaju. ¹⁸Rimiyudoda jita nuñi munvay nijyanvamyusiñi tiqui. Rimiyudoda diicharatani, jiryatiy ruumu darya, jiryatiy rasipyateda rutosiy jiiday, nuvachiy jarye, asújuru jarye risaju. ¹⁹Cavañumiy diitya jita vichanuyada yitomu, rimyusimyu jarye risaju. Rimyusiy jita vichanuyada nutyu codiy jnotara, ratatiy richuyada riy nijyanvay ridyiyadaju.

²⁰Nijyanvayyu machovay jiryatimyu ne ridyiyada jiryá diicharamusiy, ne ripyaruryuyada riva yivaayada vacha, jiryatiy riryadasiñusara riñijyu bayantuvedayu, satuvedanijyu jarye jiryatiy óruteramusiy jvaachavaryi, varimyata criquityera, daryantya brúnsityera, ravichutera, jiiputera jvaachavay jarye risaju titaju. Jivye nijyamí jvaachavay, ne vanay ridyí tariva, dantyamuy ne rityuvachu tara, ne vinu riryupi. ²¹Ne vinu daryamusiy ripyaruryuyada nijyanvay machovay riva juvedani nijyamí, dantyamuy riñuvodiva, ne vinu ricyadnavediva, dantyamuy ripyarodiva, mitya.

Jüdenu jpanu catera padyedyeti

10 ¹Jadchiy jita radyiyada siva tiqui Jüdenu jpanu vanuryantiy, jiryatiy sumusada jarichuvimusiy nuvachiñube. Sunomu savichada jichu, samo jita nutyu jiñida nta day, saduse jarye nutyu jutuvü jiidaterya. ²Sajomu yirirya catera padyedye jiryatiy muttasarara. Sabayada jítara jiñumutu nutyityuday jamu navancha, samiday numutu jita mucadinchantiy. ³Saniquejasubeda jita nutyu sasutyi nibyisuma jiñiqueyadamu. Saniquejasubedanumatiy, rasuyada jita darajuñijyate ruvatarya niquejada. ⁴Riñiquejadanumatiy ruvataryamiy rañi nuryuyadara riñiquejada. Ti jteda variy jarichuvimusiy riva: “Yamutanu nijyanvayjisirya riñiquejada, ne yanurya, mitya.”

⁵Jadchiy jita sumuyada Jüdenu jpanu jintyityuday jomututa jarichunacho, jiryatiy radyiyada jamu navancha rani siva, mucadincha jarye. ⁶Saniquejada jita Jüdenu jtyamu variy: “Sityamu, jiryatiy junareju savichasara, nitiy judejadara jarichu, mucadi, jamu nava jarye risaju, titaju jiryatiy rivyichasara jarichumu, mucadimu, jamu navamu

jarye risaju, sityamu jita ritay: Ne rariche tamitya runda nunday.”

⁷Rarundamu jita, variñumatiy saduu danujñijyateju Judenu jpayav tenu ravimu jiñatutya, rajtotaniy Judenu jvaayadayu, jiryatiy ravichasara dutyasara nijyanvayjisiy, dañuma sani tuchoda vijyomujache jiyu tuchuvavyara, jiryatiy rivyichasara samuchechimiyi.

⁸Sajatyi niquejada ti jarichuvimusiy riva: “Yejiya, yejirirya catera padye muttasara Judenu jpanumusiya, nitiy jamu navanca rani, mucadincha jarye.” ⁹Rayada jita variy jpasimu, riteda siva: “Yasay rarya catera padyedyera.” Sumutyajada varirye: “Yejirirya, yejmyi varirya. Rani jita racha jivvyara jivyimu dañuma yito ravicha sabora nutyu quisijya.”

¹⁰Raryeda jita variy sajomusirya catera padyedyera, ribyeda varirya. Rito ravichada sabora nutyu quisijya nta, raryamichodanumaty jitara, ravymu machojada jivvyara ruçosiy. ¹¹Suteda Judenu jpanu variy riva: “Jityuchutata Judenuju vichadiva, mucadiva, tavay niquejada niquevavya, jamu nutyityumivya jarye risaju titaju.”

Danujuy Judenuju tuchunujuy

11 ¹Jadchiy jita ti sayada rarya saranuse nutyu metru, suteda variy riva: “Yanubesumiy, yasaranu varirya Judenunijyu jachipiyajo, sanijyu rupajyo jarye, sanijyu jadasinuvay jarye risaju. ²Vatapada jita, jiryatiy bimura, yajaty jicharadodivasirya, ne yasaranura jiryatiy sachara munuñvedaju darya, riryatidye raniyerya jamu vichada, jiryatiy Judenuju jiintyasara darya. Riryaraniye daryajuy vuyajuy jarimyuni sarajura, danujuy jarimyuni ranchaju titaju.

³Rajpa nada danujuy tuchunujuy,

nanatidye tuchu rajyu taraqui varanca rundasaraju, darajuy pacha runda ranchajuntiy, taraquinijyate vuyajuy runda ranchaju titaju. Nanatuchu varurajay sujatyanujyuy variy.”

⁴Nanicha jita danujuy odivunu, (yajnyu Zacarias capítulo 4) dasijyuy nonosijyuy jarye risaju, jiryatiy nanuraniy mucadi jamu nutyityu momu.

⁵Minityi jarupantarunada, rasipyatay jiiday nanitosiy variy, ratatyi nanaparutani jimyityasiy. Daryamusiy sadiichara nitiy jarupantarunada. ⁶Jasiy nadimura nanatidye mutanura jarichu, rañuma jmu nanutuchoda runda baryijada saraju. Nanudatya titudodara ja nudajajuntiy. Nanudatya javatyadary mucadimu vichavay diityata nanavtaryunumatiryi.

⁷Nanunumaty jtotanirya jityuchoda, sajasumiy suvuchi vatajvumusiy, sajvaryunada. Savuunu variñada, sajvay variñadantiy. ⁸Nanubabyi jita ratiryosara rupijyomu jamu vichadamu, jiryatiy vuryitachara jantyadamura Sodoma, varimyata Ejyptu, jasityi ruveda crusityasani yintyityu Jesús.

⁹Riryadiy nijyanvayyuu mumurundamiy ratasavundamusiy ranchaju riva nanubabyi, riryajubay nanajisirya jmuchoda daryaju. Riryajnu chu vichadamu vichavarya nanubabyi, taji juriiñutavay jarye, tara niquejada niquevay, titaju mucadimu vichavay jarye rusaju rajnuchura nanubabyi. ¹⁰Mucadimu vichavay rajchanatyara nanudiiyada, riryajvaarya vichtya rayadaju, riryajpasarara sachara variy yimu, jiryatiy jinujuy Judenuju tuchujuy vichasara jarupantanujyuy mucadimu vichavajuy titaju.

¹¹Mumurundamimysiy, ratasavun runda ranchajuntiy, jnutu jita jiryatiy Judenumusi jayada nanubabyiva, yinuyadaju. Nanunubsubeda variy.

Richuvuyada nijyanvay jaryi variy, jiryatiy ridiyiyada riva. ¹²Ratyuvachoda varirya jamu niquejada jarichuvimusiy, jiryatiy suteda nadiva misanujyuy: “Sanajasumiy jiyuju.” Nanasubeda nuvachiñube jarichuvimuju variy, nanumityasimiy diya. ¹³Varicharaju ravichada mucu siityeyajada jaryi. Vuyajuy vichadateramusiy, rajuyyada taraqui. Darajuñijyate varanca nijyanvay paruteda variy. Rityevay machovay jita rañi suvuyada jaryi, riichanatyada varinñi jarichumuvichi Judenu. ¹⁴Raramiryima darajuyuy suvuchara. ¡Acuu, rajiti varenu mumuriju suvucharantiy!

Darajuñijyateju natutya

¹⁵Sanuvoda jita darajuñijyateju Judenu jpvavay tenu ravimu jinatutyantiy. Rasuyada jamu niquejada variy jarichuvimusiy. Ruteda jita jaryi: “Jirya mucadi nusuyada jita vichasara Vujye Judenu nusuyada, sajaryeti Cristu nusuyada jarye yisaju, sanusujeyasara junareju titajura.”

¹⁶Darajuy vuyajuy rimyityumiy jita, danujuyuy rinchaju, jiryatiy rinñicha masavay nutyityu jchosis, riryeyada variy jimyota, riryadasidyoda jita sanijyu Judenu variyu. ¹⁷Ruteda jita variy siva: “Nuñichanatyaj, Nutyityu, titaju jvaarya, jiryatiy jivyichasara diye, jivyichada tarintiy, tapi yirimya jaryi jivyanuyadata jiyura mucadi nusuyada. ¹⁸Rinñiqueyada jita mucadimu vichavay jinijyu, ritoma jita diye jinñiqueyada runda, varityi jamurichenutananiy ruvaayada murichirya nijyanvayuy, jiryatiy diivyeñuma riy. Yasay variy ricyanarya jimyuchechi-miyuy, jiryatiy jiyuy tuchuvaryi, rijerye jiryatiy jiiintyevye jinñiyu riy, rijerye rusaju rityi suvucharara yitya, danuma riryecha pasiñumiy, varimyata jamimiy. Yaparuta varintyiryi rityi parutarucharara mucadi.”

¹⁹Ramutteda variy Judenunijyuy jachipiyajo, jiryatiy jarichuvimura, jvadichara variy Judenunijyuy jachipiyajovimura rasasi jiryatiy saniquejadajijura, (nutyu Muyisésibe jvaayada tarirya). Ravichada jita rauduyara variy, niquejada, ruvatarya, mucosiityeyajada jarye risaju, ruboda jaryi sudodiichiy muriyujuu risajuntiy.

Savittuy jamu codinada vaturuy

12 ¹Ramutijada jita jamu dityanuta jarichumu variy. Savichada vatura jinñita rachi, sanumutu jita vichada jarimyunincha, sunomuntiy ravichada nuvii, vuyajuy jdarichityara, danujuy ranchaju. ²Jiryatiy savichada vatura mudasñu, sasañeyajada variy, sanuvade-danumaty jiryupachodajiju. ³Ramutijada jita ratarya dityanuta jarichumuntiy. Savichada jamu codichuma ruunañu, nutyu jiiday sanuchatu. Savichada darajuñijyate jnoti, vuyajuy tuyuvuti jarye risajuni. Nuñi taraqui sunova ravichada curaca nuviintiy, darajuñijyate nuvii titajumusirya. ⁴Satiyada jita jimyusitya jarichumusiryi jdarichijyuu, nuñi munvamyusiy, tiqui, sajatyada variy mucadinchaju riy. Saradeda jita jamu codiy samomu vatura rupachuruñu, satidye jmyiy sarupachodivasinñi jidyenu. ⁵Sarupachoda jita vaturani jidyenu, vanu, nitiy ranusuchara riy mucadi janvay titaju. Sanusuchara yivamyuseta riy. Savichada sovachi variy, vase Judenu tuunuju, samasajomuju. ⁶Vaturuy jita bayada variy mityatomuju, jasityi sudutyada Judenu nanajijura vichajo, nanatidye vicha potyenichanuy jasiy taraqui varanca runda saraju, darajuy pacha runda ranchaju, taraquinijyate vuyajuy runda ranchaju titaju varintiy. ⁷Ravichada jita juveda jarichuncha variy. Judenu jpanu Miyeriy jtyati, satevay jpasavatya yiveda jamu codiy

jchoju, supavay jchoju jarye yisajuntidy. Jamu codiy supavaty yivedantiy. ⁸Jiryatimyu ne vanay rivyuudoda jamu codivyeda, daryantamuy ne ramachojada vichajo jarichumu rijyu. ⁹Savichada jatyasi variy jamu codiy, jiryatiy codiy munaty sanicha, jiryatiy rutachara bayantu nutyityuni, Satanasiy jarye, nitiy quivuchusara riy mucadi janvay titaju. Savichada jatyasi mucadinchaju, supavay yisaju jatyasavay titaju.

¹⁰Ratyuvachoda jita varirya jamu niquejada jiryatiy ruteda: “Ritoma pariche Vuryindenu jantyutyada, savanuyada jarye, sansuyada jarye risaju jiryatiy sansutyaniñi jijeryeti Cristu. Tapi jatyasinumaní nitiy tuchutanumucha riy vutyeryiveda judaca, nuporaca jarye risaju.

¹¹Vutyevay siityarivay jita vuunuma Carniru nudajatani, Judenu niquejadata jarye risaju, jiryatiy rityuchoda sajura. Ribetyedasaraju ne rivyatadara yinuyada. ¹²iRamunítii yanuma jchanay jaryi jarichu, ravimu vichavay jarye rajchanay rusaju! ¡Acuu, tajnate day mucadimu vichavay, jamu navamu vichavay jarye rusaju! jiryatiy sumusada jaryi niqueyadavañu bayantu nutyityu jiryimuju, sadatyasara daryaju jiryatimyu ne rajuurara jiryunda nuyday.”

¹³Sadiyadanumatii jamu codiy riva jiryatiy savichada jatyasi mucadinchaju, sasiriyjada nanisijyu vaturuy, jiryatiy nanurupachodani vanu. ¹⁴Ti sayada nadara darajuy nipyá, nutyu vavyetyusuma nipyatí daryá, nangtidye jii jivyichajomuju, jiryatiy jdutyasara nanajiju dárya. Rumuni jita nanumachojada mumuvaatamiy saraju, ratasavu vaata ranchaju mityatomu, jasityi nanuvichada potyenichanuy ripyá jamu codiyjisiy. ¹⁵Jadchii jita

sajatyada jamu codiy yitosirya jamuja, nutyu jamumyu, ratidy sarye nada vaturuy, ratidy paruta variñada. ¹⁶Rumutyada jita mucadi variñada vaturuy, jiryatiy ramuttadara yito, ratoda varirya jamuja jiryatiy sajatyada jamu codiy yitosirya. ¹⁷Saniqueyada jita jamu codiy jaryivyaju vaturuy jiyaroju, sayada variy nanudadyeñuju nacho, satidy jvay variryi. Riñi jita vichasara siityevay Judenu niquejadaju, rumuntirya titaju Jesús datyadodantiy. ¹⁸Saradeda jita jamu codiy variy tichancha, jamu nava jiiniy.

Danujuy suvuchijuy jmyiryajuy

13 ¹Radyiyada jita siva suvuchi, jiryatiy sasipyateda jamu navavimusi. Savichada vuyajuy tuyuvuti, darajuñijyate jnoti jarye risajuni. Ravichada vuyajuy nuvi satuyuvudcha, sunova jarye ravichada sitya jiryatiy Judenu jiyaroju darya. ²Suvuchi jita sivatí radyiyada, nini vichasara nutyu janarityu. Sanumutu vichada nutyu suutyu numututí darya, sajú jita nutyu nibyiju day. Sasayada jita jamu codiy variy vanuyadani, nutyityu masajoncha masada jarye, nusuyada jarye risaju. ³Taraqui suno vichada nutyu vatajotara, sabatyeda saraju, ramisada jita savatajo diitya varinty. Richiityarijada titaju mucadi janvay variñi suvuchi, jiryatiy rityuvachoda simu, rityittada daryajura samisada. ⁴Rijechipiyajada jita jamu codiniyyu, jiryatiy sasayada suvuchira nusuyada, rijechipiyajada sanijyu suvuchintiy, ruteda daryaju: “¿Tí saganiviy jiryedyi siva suvuchi? ¿Chira rasaryerya juveda sisaju, chi?”

⁵Sasayada jita jamu codini suvuchi satidy nique jamura niquejadata Judenu jiyaroju, satidy nusuchara mucadimu variy, daryajuy vuyajuy

jarimiyuni saraju, danujuy jarimiyuni ranchaju títaju. ⁶Samuttada jíta suvuchi varirya jiyju, satidye niquesara Jüdenu jiyaroju, sitya jiyaroju jarye, savichajo jiyarojuntiy jiryatiy Jüdenu siityarivajuy rivyichasara nta jarichunchantiy. ⁷Sasayada jamu codifi suvuchi satidye jvay Jüdenu siityarivay jchoju, satidye vuunu varintyiryi. Sasayadantiñi satidye nusuchara títajuriy nijyanvay, títaju mucadimu vichavay, títaju niquejada niquevay jarye, títaju tara juriiñutavay risaju. ⁸Riryadasidyoda títaju nijyanvay saniyyuyu, netimyu ne nucharara ritya Carniru batyisi catera padyemyu, jiryatiy junareju jnyudadajura. Netimyu ne sanuyada Jüdenu yindejadajisiry ritya jicyatera padyemyu didye, riryajadasinüsara suvuchi nijyyuyu.

⁹⁻¹⁰Sama tuvachu tuyuti ramu: “Nitiy rañicha jurisiju, sajiya jurichi variy; nitiy jvay jchityityatani nijyami, daryaday sacha jvachi jchityityata varintyidye. Ramusiy jíta riryajachiniy Jüdenu siityarivay tapimusiyyu, jiryatiy rityuvachusara simu.”

¹¹Radyiyada jíta siva sataryi suvuchintiy, sasipyatesubeda mucojari-chiy. Savichada darajuy tuyuvuti nutyu carniru, saniquejada jíta nutyu jamu codiy darya. ¹²Nini nusucha títaju munatyí suvuchi diyara, sadasiñutadeda jiñu darajuy suvuchi riy títaju mucadimu vichavay, munatyí suvuchi nijyu, nitiy misada jivyatajo diicharamusiy. ¹³Sivaayada jítara jaryi tittasara, jasicharajutiy sumasadedada nijyanvay diya jarichumusirya jiiday, mucadinchaju. ¹⁴Saquivuchoda jíta riy mucadimu vichavay, yivaayada tittasarata jiryatiy sivaayada munatyí suvuchi diyara, suteda jíta variy nijyanvavya: “Jiryama jvaani santyasi munatyí suvuchi, jiryatiy samisada

ramusiy jchityitya jarujyo, jiryatiy diitya ranicha.”

¹⁵Jamu codiy sayadantiñi danrajuy suvuchi satidye bay jnutu siva munatyí suvuchi jantyasi, satidye niquesara variy. Sabayada jítantiy satidye munu jantyasi riy nijyanvay jiryatimyu ne riryadasinüruy saniyyuyu. ¹⁶Jadchiy jíta sanutyadeda nucharata riy nijyanvay, nuñi tiqui, sajomutu nutyityudamyu, varimyata samotasa. Sanutyadeda riy deramiy, jamiy, jaryi taratavay, jantyuanimiy, muhechimi, patrusamiy jarye rusaju títaju.

¹⁷Subayada jíta nijyanvayjisirya taryuyada, taryutyada jarye risaju, nitimyu ne nucharati, jiryatiy munatyí suvuchi jtya darya, varimyata sitya saranusara. ¹⁸Rani jíta vatasarara datyada. Nitiy vichasara datyara, sama saranura munatyí suvuchi jtya saranusara, tapi ravichasara nijyami jtya saranusara. Sitya saranusara jíta vichasara taraquinijyate pacha, taraquinijyate vuyajuy ranchaju, taraquinijyate variy ranchajuntiy.

Jüdenu nucharatavay murrayada

14 ¹Jadchiy jíta rinuyada, radyiyada siva Carniru rani, Siyó jyatara musiquincha. Sisa jíta rivyichada taraqui pacha varanca nijyanvay, daryajuy vuyajuy varanca rinchaju, daryajuy varanca variy rinchajuntiy, jiryatiy nucharatavay rimyotasayu. Ravichada nuchara Carniru jtya, sajay jtya risaju. ²Ratyuvachoda jíta varirya suurya ransasara, nutyu jasuma suuyada, nutyu ruvatay nta jaryi. Suurya jíta vichada nijyanvajuy jvaayada, jiryatiy ruvaachadedara quitara jiyomu. ³Rimurrayada jítara vadi murrayada, Jüdenu masajo jchosiy, danujuy jnyvye tuunu jarye, rimyityumityuunu

jarye risaju. Ne vanay ti datyadara rimyurrayada, vinu taraqui pacha varanca nijyanvay, daryajuyu vuyajuy varanca rinchaju, daryajuy varanca rinchajuntiy, riñi jita datyadara murrayada day. ⁴Jive jita rañicha jiryatimyu ne riryarupanusara vatutyayu, rivyichasara jita vaduy jiryatimyu ne rijyetyo sany vatura, mitya. Jive jita rañicha Carniru siityariyay jiryatiy richiityarini rumutiy saya. Jive jita rañicha jantyutyasa-vadye, jiryatiy santuyuyada Judenu ruuva nijyanvay cabyimusi, riryatidye vichasara jnutatyasavay munatya Judenunijyu, Carniru nijyu jarye sisaju. ⁵Ne ti saryejadara quivuyada ruto, mitya. Rivyichasara jita ne juuchataway.

Munvay Judenu jpayay tuchoda

⁶Jadchiy jita radyiyada siva Judenu jpanuntiy jiryatiy sajnumaya jarichu-jache. Sayada tuchu nijyanvamyuju titaju jiryatiy rivyichasara mucadincha, titaju tara juriiñutavamyuju, niquejada niquevamyuju jarye, titaju nijyanvamyuju jarye risaju. Satuchunumayara samituchoda jiryatiy rasuruchara junareju. ⁷Saniquejasubeda jita jaryi ruuva: “Jiryama suvuni Judenu, jiryasay simura vanda, jiryatiy ritoma samurichenutadeda runda. Jiryama jadasiñu sanijyuyu, nitijyudejadara jarichu, mucadi, jamu nava, ja mutijo jarye risaju titaju.”

⁸Danujuyju jpassi siityarijada tuchuntiñi: “Rajuumya, rajuumya jita jamu vichada Babinóniya jtyatara, ratutaniñuyada daryaju titaju mucadi nijyanvajuura tiitiija nta, jiryatiy Babinóniya janvay cadnaveda murichiryara.”

⁹⁻¹⁰Mumuriju jpassi siityarijada nada jityenujuy, satuchoda jita jamu niquejada: “Minityi jadasiñu sanijyu

suvuchiyu, santyasiniyu jarye sisaju, sumutyatiy jimyovara, varimyata sumutya jijyomutuvara suvuchi nuçhara, ninijita rajatu ntara Judenu niqueyada tiitiija, jiryatiy sarumirya ne jaryenusara Judenu jatujovimu, ramusityi riryechasara jantyunuvachavay jiidamyu, asújuruta jarye risaju Judenu jpayay diya, Carniru diya jarye. ¹¹Riryantyunuvachada nuvachiy jita rajasumijeyasara junareju. Ne raparyu jantyunuvachada ruuva judaca, nuporaca jarye, jiryatiy riryadasidyoda daryaju suvuchi nijyuyu, santyasi nijyu jarye risaju, rumutyajada varirya sanuçhara yiva.” ¹²Jiryajisiy ravichasara jiryatiy rijechiniy Judenu siityariyay tapimusi, rivyichasara siityevay Judenu jtedamuju, rityuvachodamuju jarye, jiryatiy rityuvachusara simu Jesús daryaju.

¹³Ratyuvachoda jitar niquejada jarichu-vimusi, jiryatiy raniquejada riva: “Yanuy caterava: Jchanatyasavaryi diivye rityi dii nutyu Judenumu tuvachuvay.” Daryani sutachara Suntuninchiy: “Jo, jiryatiy diyemusi jita riryajituy yivaayadivasiy, ruvaayada daryaju rasiityarintiyu.”

Mucadivasiy jatojada

¹⁴Rinuyada jita, radyiyada riva nuvachiy pupasiy. Nuvachincha savichada nu, nutyu nijyamí denu, jiryatiy órutera nuviiti sunomuy. Sajomu jita ravichada camyutuvu jimyura. ¹⁵Satenu jpassi jita sipyateda variy Judenunijyu jachipiayovimusi, saniquejasubeda siva nuvachiy ncha masi: “Yajpara jicyamyutuvu jatojadaju, jiryatiy ritoma jatojada runda jiryatiy suduryanumara nutasarasiy, jiryatiy mucadincha jatojadajura.”

¹⁶Sajatyada jita nuvachincha masira jicyamyutuvu mucadincha, mucadi machojada jatosara varidye.

¹⁷Sasipyateda jita nu jpasí Judenunijyu jachipiyajomusintyi jiryatij jarichuvimura. Ravichada camyutuvu jimyura simuntiy. ¹⁸Ti jpasintiy, Judenunijyu rupajjomusiy, jiryatij supasarara jiiday, nini jita niquejasubeda siva camyutuvu jimyurati: “Yajpara jicyamyutuvu jimyura ratidye sora ninsijyuutu mucadincha, jiryatij sudutyuunumatera.” ¹⁹Sajatyada jita jpasí varirya jicyamyutuvu mucadinchaju, rasojada varirya raninsijyuutu, sajatyada jita variy ninsiy muchijyovimura, jasityi sadityanu Judenura jiñiqueyada jaryi jimyityasimi jiyaroju. ²⁰Rimyicheda jita muchijyovimura, jiryatij jamu vichada tuvaryara, ramutijada nudaja vatunuja ramusiy, jiryatij ritojada cavañu juritya saraju, jiryatij rasiyada (mumuri pacha varanca metru saraju) mumurundamiy satyata rupiyadasaraju.

Judenu jpayav darajuñijyate tamitya diityatavay

15 ¹Radyiyada jita jarichumu riva ratarya dityanutantiy jiryatij jaryi tittasara darya. Rivyichada danujuñijyate Judenu jpayav, jiryatij darajuñijyate diityatavaryi. Jirya diityata sadityanumuy Judenura jiñiqueyada (juuchaveda jiyaroju).

²Radyiyada jita riva mityo nutyu nuvatusumatiy darya, nutyu jiiday raryiyeya nta. Radyiyada ruuva suvuchi vuunuvay, jiryatij rivyuudodani, santiyasi jarye, sitya nuchara jarye risaju. Riryadeda jita mityoncha, jiryatij nutyu nuvatusuma darya, rivyichada Judenu quitaratavay titaju. ³⁻⁴Rimuyrrayada jitarata Muyisésibe murrayada, jiryatij Judenu muchechidyeñi, Carniru murrayada jarye risaju:

“Jaryi tittasara jita yivaayada, titaju jvaarya ji, Nutyityu Judenu.

Vasera, sitenu jarye risaju darya jiñu day, nijyanvayyu nutyityu daryaju ji. ¿Chiramuy ne rasuvucharara yitya, Nutyityu, chi? ravandanu varintiyrya. Vinu jiñi rañicha jintiyasi. Riryajti titaju nijyanvayyu yimuju riryatidye jadasinu jityuunuyu jiryatij jvadichara yivaayada vase darya.”

⁵Rivasiy jita rinuyada, ramutteda jarichuvimu Judenunijyu jachipiyajotera, jiryatij rytachara jaryi samiryavaju Judenu jtedamujura. ⁶Richipyateda jita danujuñijyate Judenu jpayav ravimusiy, darajuñijyate diitya tavay. Rivyichada jamuca sujatyavay jaryi pupajay, vandajay jarye risajura, jiryatij puchusara rityasavumu puchunajetyara, jiryatij orutera darya. ⁷Tiqui jnuvyetyenu sayada variy riryada siijyuñijyate junosiy, jiryatij muchanichara Judenu niqueyadatarata, nitij vichajayasara junareju. ⁸Ramuchada jita Judenunijyu jachipiyajo nuvachitya jiryatij sadamusirya, savanuyadamusiy jarye risajura. Ne vanay ti jayada variy Judenunijyu jachipiyajovimu, netimuy ne ritotanimuy darajuñijyate diitya didye, jiryatij danujuñijyate jpasavamyura.

Junosiy muchanichara Judenu niqueyadata

16 ¹Ratyuvachoda jitarata jamu niquejada Judenunijyu jachipiyajovimusiy, ti jteda ruuva danujuñijyate jpasavay: “Jiryayuma jiya, jiryarumirya dasiijyuñijyate junosiy mucadincha, jiryatij Judenu niqueyada ravimu.”

²Sayada jita variy munatyata jpasí, sarubedara yinosiy mucadinchaju. Rivaayada vatajo vanabayasa riy nijyanvay, jiryatij jaryi javityichara

darya. Rivaayada jita riy nijyanvay, titaju jiryatiy suvuchi nucharatavadyeryi, rityi jadasidyoda santyasi nijyuntiyu.

³Danujuyju jpasavatyenu rubeda varirya yinosiy jamu navanchaju, ratituyada nudajaju variy, nutyu diiñu nudaja. Ridyiimyuyada jita jamu navamu vichavay titaju variy.

⁴Mumuriju jpasavatyenu rubeda varirya yinosiy jamumunchaju, ja mutijonchaju jarye risaju titaju, ratituyada variy nudajajuntiy.

⁵Ratyuvachoda jitora saniquejada Judenu jpanu, jiryatiy ja jnutyini. Suteda jita: "Vase jvaarya ji, jiryatiy jivyichasara diye, jivyichanuyada tarintyi, jaryi jintyasi ranchaju ji, jiryatiy jimurichenutadeda daryamu-siryi. ⁶Jiryatiy riryubedara jichiityarivay nudaja, jiyju tuchuvay nudaja jarye, yatutani rivasiy rirya nudajantiy. iTaviy!"

⁷Jadchiy jita ratyuvachodara Judenunijyu rupajyo niquejadantiy: "Jo, Nutyityu, titaju jvaarya. Sitenutera jimurichenutadeda, vase jarye risajura."

⁸Daryajuyuju jpasavatyenu rubeda varirya yinosiy jiñinchaju, ti sayada variñi satidye muryi nijyanvay jiidatya.

⁹Nijyanvay vichada muchavay variy jaryi vindyadata. Riryavityeyadara Judenu jtya riva, jiryatiy supajadara jirya diitya. Ne ripyaruryuyada variy riva jijechipiyajada vacha, riryatidye vandanuni Judenu.

¹⁰Tadajoyuju jpasavatyenu rubeda varirya yinosiy suvuchi nusujyoncha, ramachojada nupocudinube variy rucosiy. Richumutuyada jita suvuchi siityarivarya jidyechiy ranuvadedita.

¹¹Riryavityeyada jitanu Judenu jarichumu vichi riva jiñuvadeda, rivyatajova jarye. Dañumamuy ne

ripyaruryuyada riva yivaayada Judenu jiyaraju.

¹²Taraquinijyateju jpasavatyenu rubeda varirya yinosiy jamu navamu, Evujratesiy jyatara. Ratadeda jita raja vassaju, ratidye jdutyara nuquii jamu nutyityumijiju, jiryatiy jiñi mutijomusivyeryi.

¹³Jadchiy jita radyiyada ruuva munvay bayantumiy, jamirya vichavay, nutyu sicyutu nta. Richipyateda jita jamu codiy jtosiy, suvuchi jtosiy jarye, Judenuju tuchu nta jtosiy jarye risaju, jiryatiy quivuryani. ¹⁴Riñi riñicha bayantumiy, dityanuta jvaavye, jiryatiy riyantumaya mucadi jamu nutyityu nachoju, riryatidye jityeryaniy juvedamuju riy, jiryatiy rachasara jamu rundamu, Judenu titaju tara jvaarya jtedamuju. ¹⁵"Jiryama jny jiryatiy rajniy jiryeniyaresiy, nutyu paranu nta. Jchanatyasi ni nitiy jnutyasara rajijuyu, jiryatiy sabachara yimura jichujay, sañuma rupiñumaya sidyavu, riryadiy nijyanvay variy riva sanada." ¹⁶Rintyeryadeda jita bayantumiriy jamu nutyityumiy vichajomu, jiryatiy rutachara Ebrévu niquejadamu "Jarumaquedó".

¹⁷Darajuñijyateju jpasavatyenu rubeda varirya yinosiy vidavi nachoju. Rasipyateda jita jamu niquejada masajomusiy, jiryatiy Judenunijyu jachipiyajovimura. Suteda jita: "iRitoma!" ¹⁸Ravichada jita variy raduyara, niquejada jarye, ruvataryaya jarye risaju. Ravichada mucataryaya siityeyajada jaryivyaju ramusintiy, jiryatiy ridiyada nijyanvay mucomu taryi rivantiy, diye saraju titaju. ¹⁹Jamu vichada jita machojada nantasara mumuriju, rajuyamuyada variy jamu vichada titaju mucadiva. Ne sajachipuyada Judenura jamu vichada Babinóniya jyatara, satidye jatutanirya

yatujo nta jiryatiy mūchanichara saniqueyadata ranijyura. ²⁰Muco siityeyajadamusiy jita rabayada raratyuu tītaju, musiqui jarye carayada, puritye tītajura. ²¹Ruboda jita variy jarichumusiy, nūtyu ravichu nta nijyanvaynchaju, nūtyu daryajuyuy vuyajuy quinuṭi nta nuṅi tiqui. Riryavityiyeyada jita nijyanvay rubodivani Jūdenū, jiryatiy jaryivyaju diitya daryaju darya.

Jamu cadnatoda

17 ¹Sitijada jita tiqui Jūdenū jṗavatyenu variy rimu, jiryatiy riryubedara yinosiy, sūteda variy riva: “Jiyuju, rādityanu jiiyria nanumurichenutanichada jamu cadnatoda, jiryatiy rajuura jancha māsanuy nada. ²Ricyadnaveda jita mucadi jamu nutyityumiy nadisaju, naniniyuchoda tītajuriy mucadiva vichavay jicyadnavedajata.”

³Rintumu sarayada Jūdenū jṗanu mityatomuju ray. Radyiyada jita jasiy nadiva vaturuy, jiryatiy nanumasa sancha suvuchi, jiryatiy ruunaṅuni. Suvuchi jita vichasara rajuura jtyati, jiryatiy nūchara saniy, Jūdenū jiyaroju javityiyechara jtya tītaju darya. Savichada suvuchi darajuṅijyate jnoti, vuyajuy tuyuvuti jarye risajuni. ⁴Vaturuy jita vichasara vadacudijatyanyuy, ruunajetyanyuy jarye risaju. Nanudaniveda jita vichasara oruta, sami ravichuta jarye, pērdasitya jarye risaju tītaju. Nadireda jita jiyjomura jatusiyy orutera, jiryatiy mūchanichara javityicharatara, nanucadnaveda midodata jarye risaju. ⁵Nanumotasa ravichada nūchara dutyasara datyada: “Jaryinra Babinóniya, cadnatodaveda jnoḁa, nicyaray jvaayada jnoḁa risaju tītaju.”

⁶Radyiyada jita nadiva vaturuy, jiryatiy

nanuvichada niyūbyijuy Jūdenū siityariyay nudajata, rityi batyeda Jesús jtya jiyadaju. Ratyittada jita nada, jaryi tittadata. ⁷Sitajadoda jita Jūdenū jṗanu ray: “¿Tarajura jityitta, taraju? Rani ratuchu yivara dutyasara datyada vaturuyunchiy, suvuchi nichiy jarye, jiryatiy satiitya nada, nityi vichasara darajuṅijyate jnoti, vuyajuy tuyuvuti jarye risajuni. ⁸Jiṅu suvuchi sivatiy jidy, niṅi vichada tariy, diye jitamuy ne sanichanūday. Vaṅuma sajasumiy vatajūvimusiy saparutedamuju jiyataju. Riryatitta jita mucadiva vichavay variy, jiryatimuy ne nūchara jnyyada padyemyura ritya, mucadi jūdejadajisiy. Riryatittani suvuchi, jiryatiy savichanuyada, jiryatimuy ne sanicha diye, jiryatiy sajnichara varintyi. ⁹Jiryatirya datyada saju nityi datyara. Suvuchi jno jita vichasara darajuṅijyate musiqui, ranchatiy nanumasa vaturuy. ¹⁰Darajuṅijyate jno vichasara danujuṅijyate jamu nutyityu risaju. Tadaayo rityevay juuyamuyada, tiqui vichasara diye, tamityi jita ne siti didye. Saṅumatiy juti, samachō vinu taraquiju. ¹¹Suvuchi jita jiryatiy savichanuyada, diye jitamuy ne sanicha, niṅi jita vichasara danujuṅijyate nutyityumiy tenu, daṅuma savichasara mumuriniyateju riquebyimu, sajiya jita jipyarutajyomuju.

¹²Jiryatiy jidy riva vuyajuy tuyuvu, rani ranicha vuyajuy jamu nutyityumiy, jiryatimuy ne rumutyajadara yinsuyada didye. Riryajmutyara yinsuyada taraquiju mityiji siṣa suvuchi. ¹³Jivye vuyajuy nutyityumiy jachipiya mityiji, riryatidye sarya jivyanuyada, yinsuyada jarye risajuni suvuchi. ¹⁴Riryanique vuyajumyusiy Carniru jiyaroju, Carniru jita ravuunu variryi, jiryatiy sanicha jamu nutyityumiy nutyityu, nusūvye nusūṅu jarye risajuni. Rityi vichasara

Carnirusa, riñicha natuchavay, jaryeta-savay jarye, siityevay jarye risaju títaju riy.”

¹⁵Jadchiy jita suteda Judenu jpanu rivantiy: “Rajuura ja ranchatiy nanumasa cadnatoda, rani ranicha nijyanvay rajuvay, tara mucadimu vichavay, tara niquejada niquevay jarye risaju riy. ¹⁶Jiryatiy jidy riva vuyajuy tuyuvu, suvuchi jarye, riryajavituyuchara nada cadnatoda, riryajantyuunu nada jasicharajutiy nanamacho sidyavu. Riryajmyi varirya nanusaviy, riryarupachara jiidamyu rivasiñada. ¹⁷Sabayada jita Judenu rijechemiyu daryaju riryatidye jvaaryurya Judenu jachipiyajada, jiryatiy richerya yinsuyada simu suvuchi, jasicharajutiy rajtotaniy Judenu niquejada. ¹⁸Vaturuy jita jiryatiy jidy nadiva, nanicha jamu vichada jiryatiy ransuchara riy mucadi nutyityumiy títaju.”

Babinóniya vichada juuyada

18 ¹Rivasiy jita radyiyada siva nu Judenu jpanuntiy, sumusada jarichuvimusiy jaryi nusuyadatí. Sanononuyada jítara mucadi jidyáta variy. ²Saniquejasubeda jita jaryi vanuyada niquejadata: “Mu juurya, mu juurya Babinóniya, jiryatiy jamura ravichanuyada. Ramachosara bayantu vichajoju, jamirya vichavay riichojanvay vudiju jarye risaju, nipyatavay jityeraniyoju jarye jiryatiy rivyichasara javityichavay. ³Nanucadnaveda jatujamusiy, runiyyada daryaju títaju mucadiva vichavay, jamu nutyityumiy jarye cadnaveda nadisaju, tinta janvay jarye canayada jaryi, jiryatiy nanucadnaveda daniveda murichiryara.”

⁴Jadchiy ratyuvachoda jítara ratarya niquejada jarichuvimusintiy. Suteda jita: “Jiryánuma sipyatay nadivasiy jiryá

vichadavimusiy, rañijyanvay, jiryenuma juuchuvay vatajuu nadisaju, ramusityi jiryajmutya nadisantirya diitya rucosintiy. ⁵Raviñuyada nanujuuchuveda jarichusaraju daryaju, Judenu jita jachipityada varirya nadivaayada vacha.” ⁶Suteda jita tavavyantiy: “Jiryamurichenutaniy nadivaayada murichiryayu. Darya nadivaayada darajuju ramurichirya nada. Jiryatiy nanunubenura turonatyá jatusaranube tavay jatodaju, jiryánubenu darajuju nanatodaju varintyidye. ⁷Jasicharajutiy naninnuvayada, nanudaniveda jicyadnavedajiju risaju, daryasaraju jiryasay jantyunuvayada nada, nuvayada jarye risaju. Jiryatiy naniteda jijechemiyuyu: ‘Ramyasasara jamu nutyityutoda, ne rañicha bachenoda, mitya, daryantyamuy ne radatyara nuvayada.’ ⁸Jiryatiy naniteda darya, ramuni rajtisara mityamusiy tarundaquimu diichara nadaju, nutyu diiyada, nuvayada jarye, jachijada jarye risaju títaju, nanacha rupachanuy jiidatya variy, jiryatiy savichasara Judenu jaryi vanurya, nitiy ramurichenutaniy nadivaayada murichirya varidyeyu. ⁹Riryánuvay jamu nutyityumiy jaryi junayadata nadivasiy, jiryatiy ridy riva nanurupeda nuvachiy, jiryatiy jaryi rucanuyadara cadnaveda nadisa daryaju. ¹⁰Riryajnu chu ripyapumusirya nanantyunuvachada, jiryatiy richuvurya nanumurichenutaniychada, riryajtay variy: ‘iAcuu, acuu, tajñate sadaju jamu vichada Babinóniya, jiryatiy sadavichanuyada vanuryuy! iMityamusiye ritimá daryajute sadivaayada murichedoda taarye!’

¹¹Jadchintiy mucadiva taryutyavay jita riryajunayasumichara, riryánuvayasumichara rivasiy, jiryatimuy ne ti ramachó ruvaadyi

taryuyadaju. ¹²Ne chi rataryuñudarya ruvaadyi jiryatij óruiterara, criquityera jarye, samiy ravichútera jarye risaju, nutyu pérdasij. Ruvaadyi rāchasara samichujay, pupajay, vadacudijay jarye, ruunaje jarye, sédajay jarye risaju. Daryantij rāvichasara varudiray, pupadutera jvaachara tara, samirya jiiiratyera jvaachara jarye tara, varimyata brúnsityera, yivamyutera jarye, ravichu pupasityera jarye risaju. ¹³Ruvaadyintij rāvichasara canédajuru, ratarya varudijuru jarye jiryatij jmyichara jaryedojura, samij potiyyadaju jarye risajura. Jadchintij jatujā, nijā jarye, pajuru jarye, jaruusij jarye risaju. Jadchintij jasiveda, nutyu cavañu, voca, carniru jarye, carru, muhechimij jarye, jiryatij rityeryutya taraju nijyanvarya. ¹⁴Sajtay jita Judenu nadiva: ‘Raramimya sādiva títaju sanicanuyada diyadayu, títaju jiryatij yidnuvayadajura, racaratimya sanajisij, dantiamuy ne sanādyi riva nūday, mitya.’ ¹⁵Jirya jvaadyi taryutyavay jita, jiryatij ricyanachara jaryi vichāda janvamyusij, riñi rāranij suvuvye, ripyapu vichādajisij jiryatij ridij riva nanantyunuvachāda. Riryajnay jiñuvayadamu variy. ¹⁶Riryajtay variy: ‘iAcuu, acuu, tajñate day jamu vichāda janvay! Riñi jita jutyāda jachodara pupajay samije, vadacudijay jarye, ruunaje jarye risaju, rindani jita vichanuyada óruitera, samij ravichusij, pérdasij jarye.’ ¹⁷Diye jita, mityamusij, taracui jórampusij, rapachityeyemyu riberya títaju.’ Vapuru nutiyumij jita, títaju marinerumij jarye, títaju cartyequiivimu rupivye jarye rusaju, riñi rāranij ripyapu rajisintij. ¹⁸Riryānumatij diy variy riva rarupeda nuvachij, riryāniquejasumij ranchij: ‘iTamā ravichanuyada jamu vichāda nutyu jirya daryá, tamā!’

¹⁹Riryajatyara mucadijuru variy yinoḃa, riryajnay jiñuvayadamu variy: ‘iAcuu, acuu, jamuvichāda! iSādimumitya rimechójada vapuru janvay jaryi criquityavatyeequii! iDiye jita, taracui jórademu, rapachityeyemyu títajuquii!’

²⁰Jiryajchanachuyū, jarichu, jirye jarye jiryatij Judenu siityarivay jirye, sansubyimij jarye, sajū tuchuvay jarye rusaju, jiryatij samurichenutanimya Judenu jiryeyadaju nada.”

²¹Jadchintij sireda Judenu jpanunij ravichusuma, nutyu muchā juve rāchasara, sajatyāda variy jamu nava tāsani, suteda variy: “Daryamusij rāchasarara jatyasāda vanuyadata jamu vichāda Babinóniya jtyatara, ne tī rādicara junay sādiva nūday, tii, mitya.

²²Ne riryatuvachu rivasiñudarya quitāra suuyada sādima nūday, dantiamuy ne murrayada, daryantiamuy ne duuduu suuyada, varimyata natutya suuyada.

Ne riryajvaachara jvaavyeñuday, dantiamuy ne riryatuvachura tununuvimu tadoda sādima nūday, mitya. ²³Ne ranononij nonosij sādima variñuday, daryantiamuy ne riryatuvachura jamuyada vichtya suuyada jansāda nūday. Jiryatij rivyichanuyada sādima vichavay, taryutyavay jaryinravay mucadi janvay cabyimu, jadchintij, jiryatij rivyichanuyada quivuchusavay títaju mucadi nijyanvay sāda nuvodamusij, ramunij sanamachosara mitya. ²⁴Richaryejada daryaju sādimumintirya nudajantij, jiryatij riryubeda sanunijyanvarya Judenuj tuchuvay nudaja, sasiityarivay nudaja jarye, rindaja jarye títaju jiryatij ribetyeda mucadiva.”

19 ¹⁻²Rivasij jita ratyuvachodara jamu niquejada, nutyu nijyanvayyuu niquesanij jarichuvimu. Ruteda jita: “iJchanatyasij sāchasara

Judenu! Vuryindenumu jita ravichasara jantyutyada, vanda, samiy jvadichada, vanuyada jarye risaju títaju, jiryatij sivaachara sitenu, vase vichadedamu jarye, tapi samurichenutanimya nada cadnatodasuma, jiryatij nanarupadoda jicyadnavedata riy mucadiva vichavay. Samurichenutanimya nadantij jiryatij nanurubedara Judenu siityarivay nudaja.”³ Darajujyu rutedantij: “iJchanatyasj sachasara Judenu! Jamu vichada nuvachij rajasumijeyasara daryaju junareju.”⁴ Jadchij jita riryeyada darajuy vuyajuy rimyityumiy, daunujyu rusaju, daunujyu jnyvye jarye, riryadasidyoda sanijyu Judenuyu, jiryatij samasajomu masini, ruteda jita variy: “iDaryaniday rachasara! iJchanatyasara jinijyu!”⁵ Masajomusij jita rasipyateda niquejada variy: “Jiryanuma baya Judenunijyu, samuchechimiyi títaju, jiryatij jiryechuvucharani, deramij, jamij jarye títaju.”

Carniru jamuyada vichtya

⁶Jadchij jita ratyuvachodara nutyu nijyanvajyu niquejada, suurya ransada, nutyu jasuma suuyada, varimiyata nutyu ruvatarya sumarya. Ruteda jita: “iJchanatyasj sachasara Judenu, jiryatij sansuchara Vuyntyityu títaju jvaarya daryaju! ⁷Vuryantya jchanachu vuy, vuryantya caviñechij vuryichanayadamu, vuryantya say vandani, jiryatij ritimaj Carniru jamuyada runda, savatura jita (jiryatij riñicha Judenu siityarivajyu) sudutyada sajijyu.”⁸ Tí sayada savaturaju satidye jachura sujay jaryi pupajay, vandajay risajura, jiryatij radityanusarara samij ruvaayada Judenu siityarivay. ⁹Suteda jita Judenu jpanu variy riva: “Yanuy caterava: Judenu jmutyasavaryi Carniru

jamuyada vichtyamuju musuchavay.” Suteda rivantij: “Jiryá niquejada jita, jiryatij sitenu Judenu niquejada darya.”¹⁰ Raryeyada jita Judenu jpanutuunujyu variy, ratidye jadasiñu sanijyu ray. Suteda jita variy riva: “Ne yajvaay darya, tapi rañi rañicha Judenu muhechij mityiji yisa, jityevay siityarivatya jarye, jiryatij ririryira Jesús datyadoda. Yama jachipiya sanijyu Judenu. Tapi Jesús datyadodamusij jita rundayada Judenuyu tuchoda day.”

Cavañu vaparuncha masi nijyamij

¹¹Jadchij jita radyiyada riva jarichu muttarya. Samutijada cavañu vaparuj, sancha jita samasada jiryatij rutachara Siityera ni, Vase vichara jarye risajuni, jiryatij vasede samurichenutanichara, svvachara jarye risaju. ¹²Sanisij jita vichasara nutyu jiiday quivayara, sajachoda jita yinovara rajuura nuvi. Jasidye simura sitya nucharantij, jiryatij vinu nini datyara. ¹³Sajachoda jita yivara sujay, jiryatij nudajata muchanuserara, sitya jita “Judenu Niquejada” day. ¹⁴Judenu sutarumij jita jarichumusivye, riñi siityarijada vaparuj cavañunchani, richujay jita jaryi pupajantij. ¹⁵Sutosij jita rasipyatañuyada jchityitya jimyura, ratatij savatya riy mucadi janvajyu, sanusuchara yivamyuseta riy. Saraniye nta nutyu ninsij muchijyovimura, jiryatij sadityanusara Judenu títaju jvaaryara jiniñueyada, jiryatij nicyaray vichada jiyarojura. ¹⁶Jasinrya sitya nuchara jichujañij, satudiñintiryra: “Nutyityumij nutyityu, nusuvye nusunuj jarye risaju.”

¹⁷⁻¹⁸Jadchij jita radyiyada siva tiqui Judenu jpanu, saradeda jita jiniñcha, saniquejasubeda jadchij ruuva nipyatavay, títaju jiryatij jarichujare

j̄inumayavaryi: “Jiyuj̄u, jirȳanuma j̄ityeryaniy jamu vichtyamuj̄uyu, jiryatiy sajvaay Judenura, jiryatidye jmyirya richaviy t̄itaj̄u jamu nutyityumiy, sutarumiy nutyityumiy saviy, vanuvye saviy, cavañumiy saviy, cavañuncha masavay saviy, t̄itaj̄u nijyanvay saviy jarye jiryatiy muchechimiryi, varimyata j̄ijȳu jvaavye; deramiy, varimyata jamiy jarye risaj̄u t̄itaj̄u riy.”

¹⁹Jadchiy j̄ita radyiyada siva suvuch̄i, mucadi jamu nutyityumiy jarye sis̄a, richutarumij̄yuu jarye rusaj̄u t̄itaj̄u, jiryatiy rintyeryadedayu, riryatidye niq̄e sayaroj̄u n̄it̄iy mas̄ada cavañu vaparuncha, sasutarumij̄yuu yisaj̄u.

²⁰Savich̄ada jirich̄i variy suvuch̄i, Judenuj̄u t̄uch̄u quivurya jarye sisaj̄u, jiryatiy sivañyadara ditanuta suvuch̄i momu, ratatiy saquivuchoda riy nijyanvay, jiryatiy rumutyajadara suvuch̄i nuçhara, riryadasidyoda variy santyasi nijyuȳu. T̄i jatya da jnuñuj̄yuy j̄iidatovimuj̄u nada, jiryatiy as̄ujuruta quinchusarara. ²¹Nanutevay maçhovay j̄ita vich̄ada jvachavay sichityiyata n̄it̄iy mas̄ada cavañuncha, jiryatiy rasipyatayajada sutosiy, ripyomyuyada nipyatavay richavitya t̄itaj̄u variy.

Taraqui varan̄ca nijya jiryatiy raçha variy

20 ¹Jadchiy j̄ita radyiyada siva Judenu jpanu jiryatiy sumus̄ada jarichuvimisiy yevyitȳi, jiryatiy vataj̄u rorij̄yuy yevyirya, sajomuntiy ravich̄ada cadyidyaj̄u jamucajuca. ²Sireda j̄ita variñi jamu codiy munatȳi, jiryatiy bayantu nutyityu san̄icha, Satanasiy jtyati, sapuchoda j̄ita taraqui varan̄ca nijya saraj̄u jasiñi. ³Sajatyada j̄ita vataj̄uvimuj̄uni, samutadoda variy yevyitya rumuni, sañuma quivuchusara riy mucadimu vichavay taraqui varan̄ca nijya saraj̄u. Rivasiy j̄ita saçha jmyryasi taraquijuntiy.

⁴Jadchintiy radyiyada riva masajovichantiy. Rimas̄ada j̄ita rancha rityi jmutyajadara Judenu jteda, riryatidye murichenutanichara riy nijyanvay. Rivyich̄ada j̄ita jvach̄i bayanaveda, jiryatiy ribetyeda Jesús datyadoda jiyadaj̄u, Judenu niq̄ejada jiyadajuntiy, rityim̄ȳu ne jadasidyoda sanij̄yuy suvuchiyu, dantyam̄ȳu ne santyasi nijȳu, dantyam̄ȳu ne rumutyajada jimyovara sanuçhara, varimyata ne vinu rijyomutuniy. Riñi j̄ita mis̄asubeda, rinsuyada Cr̄istusa taraqui varan̄ca nijya saraj̄u varintiy.

⁵Jiryatiy munatya mis̄asubeda darya. Diivye maçhovay ne mis̄asubeda jasicharajutiy rabaryijada taraqui varan̄ca nijya. ⁶Judenu jmutyasavaryi rityi mis̄asumiy munatya mis̄asubedamu, rivyichasara Judenuj̄u j̄iintyasavay daryaj̄u. Ne riryadatyasarara darajuj̄yuy diiyada, jiryatiy riryechasara Judenunij̄yuy jachipiyavay, Cr̄istunij̄yuy jarye, riryanusujeyasara sisa taraqui varan̄ca nijya saraj̄u t̄itajuntiy.

⁷Ranumatiy jtotaniy taraqui varan̄ca nijya, Satanasiy raçha jmyryasi jityanuvunusajomusiy. ⁸Sasipyatesiy variy, satidye quivuchu riy nijyanvaj̄yuu t̄itaj̄u mucadi sutyerya saraj̄u varintiy, Cocu janvay, Macocu janvay jarye t̄itaj̄u. Saj̄ityeryaniy variy juvedamuj̄u riy, riryechasara nutȳu t̄ichajuru, ne saranumuyadasaramiy. ⁹Riryasubeda j̄ita variy mucadi jasaryava, ripyurye-jada varirya Judenu siityarivay vichajo, jiryatiy jamu vich̄ada Judenu vatasarara. Rajuyyada j̄ita j̄iiday jarichuvimisiy variy, raramichoda t̄itajuriy, puritye. ¹⁰Bayantu nutyityu j̄ita n̄it̄iy quivuchoda riy, niñi vich̄ada jatyasi j̄iidatovimuj̄u, jiryatiy as̄ujuru jaryedora, jasityi nanuvichasara suvuch̄i, Judenuj̄u t̄uch̄u quivurya jarye sisaj̄u. Jasiñi j̄ita riryechajayasara

jantyunuvachavay judacaju, nuporacaju jarye junareju titaju.

Jamu nutyityu masajoquii jiryatiy murichenutanijyora

¹¹Jadchiy jita radyiyada riva jamu nutyityu masajoquii jiryatiy pupajora, samasada jita nu rancia. Rabayada jita mucadi, jarichu risaju samomusiy, puritye, ne ravichasara vidavijo raju nuday, mitya. ¹²Jadchintyi, radyiyada ruuva diivvejyuu jiryatiy rivyichanuyada jaryiñuvay, jantyuyadavay jarye, riryadeda Judenu masajo jchosiy. Ti muttada varirya catera padyemyi, ratarya catera padyentyi jasityi nucharara ritya jiryatiy riryajnujeyasara. Rivyichada murichenutanichavay diivvejyuu variy catera padyemyimysiy, daryatiy nucharara ruvaayada ramu. ¹³Rasayada jita jamu nava yimusiryi diivve, mucu jarye, diijyo jarye risaju, richayada riy diivve jiryatiy ruumu riy. Rumutyajada jita nuñi tiquimusirya yivaayada murichenusada. ¹⁴Judenu jatyada jita varirya diiyada, diijyo jarye risaju jiidatyovimuju. Rani jita darajuju diiyada day, jiryatiy vuryitay riva jiidatyo. ¹⁵Jadchiy jita, minityimyu ne vichasara nuchi catera padyemyu, jiryatiy junareju jnyadajura, savichada jatyasi jiidatyovimuju variy riva.

Vadi jarichu, vadi mucadi risaju

21 ¹Jadchiy jita radyiyada riva vadi jarichu, vadi mucadi jarye risaju, tapi rabaryima jarichu munatyara, mucadi munatyara jarye, ne ramachojada jamu nava nuday, mitya. ²Jadchintyi Judenuju jiiintyasara jamu vichada, jiryatiy vadi Jerusari jtyatarara, riva jita radyiyada jiryatiy rumusada jarichuvimusiy, Judenumusiy. Ravichada jita samiy jduutyasara, nutyu

sudutya vadi jamutyu jivyanujijyuu. ³Ratyuvachoda jita varirya jamu niquejada Judenu masajomusiy jiryatiy suteda: “Jiryajnuy, sumusama Judenu, satidye vichasara nijyanvay jsa, sachajayasara rusa variy, riryechasara jita saniijanvay, nini jita rachasara rusa rundenuju. ⁴Sapuy jita riñisimysirya yinaya titaju, ne rachasara variy diiyada nuday, dantyamuy ne nuvayada, dantyamuy ne junayada, ne vinu nuvadedada, jiryatiy raramimyumya munaty mucadi barya titaju.” ⁵Jadchiy jita saniquejada masajomu masi: “Jiryajnuy, rivaacharara vadira titaju.” Suteda jita variy riva: “Yanuy cateravara jiry, jiryatiy sitenu niquejada darya, rajtotanichara titajuntirya.” ⁶Suteda variy rivantiy: “Ritoma riteda. Rañi rañicha munaty, tamityi jarye; rañi rañicha rundaty titaju, rabaryijada jarye risaju titaju. Ray jita rasay mityajani jchumurya sunuyadaju, jiryatiy runday rimusiy. ⁷Vuñuñ jita rajmutya nutyu jiyaruryara jiry titaju, jiryatiy ray rachasara variy sundenu, nini rachasara variy radyenuntiy. ⁸Riñi jita, jiryatiy riñicha suvvyve, varimyatamuy ne siityevay, varimyata javityichavay, varimyata jvavye, varimyata cadnavavye, varimyata rimyurveda, varimyata rityi siityarisara Judenu jiyasachirya tara, daryantya quivuchuvay, jivye titaju rajmutyasarara jiyarurya jiidatyomu, jiryatiy asujuruta quinchusarara, jiryatiy darajuju diiyada darya.”

Vadi Jerusari

⁹Jadchiy jita sudeda tiqui rimu, jiryatiy danujunijyate Judenu jpvatyenuni, jiryatiy riryubeda yinosichivimusirya darajuñijyate diitya, jiryatiy tamityara darya. Satuchoda jita variy risa. Suteda variy

riva: “Jiyuju, radityanu jiiñi vadi jamutyu, Carniru vatura.” ¹⁰Sapucheda jitaní rintu variy navajyu, jamumusiquinchaju jasityi sadyadoda rarya Judenuju jiintyasara jamu vichada, jiryatij Jerusari jtyatarara. Rumusanuyada jarichuvimusi, Judenumusi. ¹¹Ravichada jita Judenuda tara, radanuyada jita vichada nutyu samiy ravichusiy jaryi vandanu. ¹²Rapuryesara jita vichada jamura, navay jatarya jarye risajura, jiryatij taraqui vuyajuy rorijyu tarara, darajuy ranchaju. Nuñi taraqui rorijyutuunu savichada tiqui Judenu jpanu. Nuñi taraqui rorijyuva ravichada ritya nucharantij, jiryatij Irayenuveda juriñu jtyatara ranicha. ¹³Jiñi mutijonachosiy puryesaramu ravichada mumuri rorijyu, sapuryejyonachosiy puryesaramu jarye ravichada mumuri rorijyuntij, ravitasa puryesaramu jarye ravichada mumuri rorijyuntij, jidyevitasa puryesaramu jarye ravichada mumuri rorijyu. Daryaniday ravichada daryajuy puryesara titaju. ¹⁴Vichada puryesara judayada taraqui vuyajuy judacharanca, darajuy judachara ranchaju, jasityi nucharara Carniru nusubymiy jtya, jiryatij taraqui vuyajuy daryi, danujuy rinchaju.

¹⁵Judenu jpanu nitij tuchoda risa, savichada saranusetij jiyjomu, jiryatij óruterara, satidye saranu ratara jamu vichada, rarorijyu jarye, rapuryesara jarye risaju. ¹⁶Ravichada jamu vichada, vatatu. Rasityeda vichada jidchavu ravojota. Sasaradoda Judenu jpanura rasityeda taraqui vuyajuy varanca saranuse, darajuy varancase ranchaju. Daryaday ravichada jidchavu rasityedantij, ravojo jarye, daryaday rasityeda navajyuntij. ¹⁷Sasaradoda jitara rapuryesarantij, taraqui pacha

vuyjaseva saranusara, daryajuy vuyajuy saranusara ranchaju, daryajuy saranusara ranchajuntij. Nutyu saranusara nijyamij daryá, nutyu Judenu jpanu saradoda daryantij.

¹⁸Puryesara jvaachara jita, nutyu ravichusityera vandasiy, jamu vichada jita óruteru titaju day, jaryi vanda, nutyu nuvatusumarya.

¹⁹Rapuryesara judarya jita vichada samij ravichusityera jaryedo. Munatij vichada vandasiyera, darajuy vichada vasunusityera, mumurijyu vichada vandasiyera, nutyu visatumu vandamu, daryajuy vichada ratarya vasunusityerantij. ²⁰Tadajoyoju jita vichada ruunachityera, taraquinijyateju vichada javesityera, darajuñijyateju vichada varandasityera, mumurijnijyateju vichada vasunu jaryedo nuchatatitiera, daryajuyunijyateju vichada vasunudi jaryedo nuchatatitiera, vuyajuy vichada vasunudisityera, taraqui ranchaju vuyajuy vichada vucudii jaryedo nuchatatitiera, darajuy ranchaju vuyajuy vichada tacunarichityera tamitya. ²¹Rarorijyujuu jita vichada perdatara, nuñi tajuqui vichada tasiqui perdasityera, darajuy vuyajuchiy, dasijyuy ranchaju titajumusiy. Vichada nuqui rupijyo jita vichanuyada óruteru, jiryatij jaryi vandara, nutyu nuvatu.

²²Ne radyiyada riva Judenumijyu jachipiyajo vichadamu, tapi Vuyntyityu Judenu titaju jvaarya, ninij vichasara jinijyu jachipiyajo rumu, Carniru jarye sisaju. ²³Jadchintiyi, ne ravatada vichadara sadanuyada jinij, daryantiyamuy ne jarimyunij riva, tapi radanuchara Judenu da jasiy, Carniru jita vichasara ranonosiy nta jasintiy. ²⁴Riryarupichara jita mucadimu vichavay jiryu vichadadamu, jamu nutyityumiy riquebyimusivy

rapuchirya jidyá ravimujuntiy.

²⁵Rarorijyujuu jítamuy ne rāchasara mutanusara judaca, daryantamuy ne rāchasara nupora rumu, mitya.

²⁶Mucadi janvayuu jita rapuchirya jidyá vichadavimuju varyiy, samirya jvadichada jarye risaju, vichadavimuju varyiy. ²⁷Tama riryajay minuvay ravimu, tama, daryantamuy ne javityichara jvaavve, dantamuy ne quivuchodacanumi, ne vinu rityimuy ne nuchavay Carniru padvevya, jiryatijunareju jnyadajura. Ne riryajay davye nijyanvay ravimu, mitya.

22 ¹Sadityadoda jita Judenu jpanu varirya jamumu, vandajata vuryinuyadaju, jiryatijasiñnyada Judenu masajomusiy, jiryatij Carniru masajontirya. ²Vichada núquijjache, jamumu jido, ravichanuyada ninu vuryinuyadaju, jiryatij rajajeyanuyada japichiy jaryedo, nuñi tiqui jarimyunimu rajañnyada rajo, taraqui vuyajujyotera, dajojuj ranchaju, rajañnyada tanijyaquimusiy títaju. Ravi jita vichada nijyanvayuu misanityaju. ³Ne rāchasara varyiy tara parutachara, daryantamuy ne parutisi vichadamu, mitya. Jasiñi rāchasara Judenu masajo, jiryatij Carniru masajontirya, riryajvaachara samuchechimyirya jivyatara títaju jasiy. ⁴Riryadichara riva Judenu montiy, sitya jita rāchasara nuchara rimoťasantiy. ⁵Ne rāchasara nupora nuday, mitya, dantamuy ne riryavatasarara nonoda, varimyata jiñida, jiryatij sadanuchara Vuyntyityu Judenu ruuva. Riryanusujeyasara junareju títaju varyiy.

Sajvisara Jesucristu varenu

⁶Suteda jita Judenu jpanu varyiy riva: “Jirya niquejada vichasara sitenu niquejada, jiryatij rajotanichara dayu. Vuyntyityu Judenu jita, jiryatij sanique-sara jijyu tuchuvay jnutumusiy, ninijita

jpajadani yipanu, satidye dityanu Judenu muchechimiy títajura jiryatij rāchasara varenu. ⁷iJiryajnyuy, rajvisara varenu! iJudenu jmutyasijita ni jiryatij saryiryira rañiquejada, jiryatij tuchusara jirya catera padyemyura!”

⁸Ray Juan tuvachodara jirya títaju, radiyada jita rivantiy.

Ratyuvachodivasiy, riva dichadivasiy jarye, raryeyada varyi sanumututuunu Judenu jpanu, ratidye jadasinu sanijyu ray, jiryatij sadityadoda rarya jirya. ⁹Suteda jita varyiy riva: “Ne yajvaay daryá, tapi rañi rañicha Judenu muchechiy mityiji yisa. Rañi rañicha Judenuju tuchuvatyenu yisantiy, rityenu jaryentiy, jiryatij vutyuvachusara ramu jirya cateramu nuchara niquejada. iYama jachipiya sanijyu Judenu!”

¹⁰Jadchintiy suteda rivantiy: “Ne yabav dutyasarara jirya caterava tuchoda niquejada, tapi jativyenumara ritotadada runda. ¹¹Nitij vichasara jamirya jvaarya, samaj macho jamirya jvaarya varidye, nitij vichasara cadnavu rapuy samaj macho cadnavu rapuy varintidyde, nitij vichasara vase jvaarya samaj macho darya vase jvaaryantidyde, daryantij nitij vichasara Judenuju jiintyasij, samacho saju jiintyasij varintidyde.”

¹²“iJiryajnyuy, rajvisara varenu! Rapuchichara varyiy risara ratatij ramurichenutaniy nuñi tiquimusiy yivaayada murichirya riy. ¹³Rañi rañicha munatij, tamityij jarye; rañi rañicha rundatya títaju, rabaryijada jarye risaju títaju.

¹⁴Jchanatvasavadyeryi jiryatij richuutasarara jichujay, riryatidye jmyirya rajo, jiryatij junareju jnyadaju ninumusirya, riryatidye jay jamu vichadavimuju rarorijyumusiy.

¹⁵Bimuju jita riy nijyanvay, jiryatij rivyichasara nutyu nibyimi, rimyura-

veda, cadnavavye, juvavye jarye, rityi siityarisara Jüdenü jiyasachirya tara, títajü jiryatij rivyichasara quivuchodacanumiy, quivuchoda jvaavye jarye risajü títajü.

¹⁶Ray Jesús, ripajadani ripanu, sätidye tuchusara rachiityarivajyuu cabyimura jiryä niquejada títajü. Rañi rañicha Davyíbe jüdenü, suntijyuu nta, sundebi jarye risajü. Rañi rañicha rasacharásiy vandanü.”

¹⁷Jüdenü Jnutu jíta jtay, Carniru vatura vadi jamutyu jarye jtay sisajü: “iYanuma jniy!” Daryani sajta Jüdenü niquejada tuvachü: “iYanuma jniy!” Sama jniy jchumuñu, nitij jmutyaruy mityara jnyadaja.

¹⁸Ratyuchusara jíta siva minityi tuvachura niquejada jiryatij nüchära

jiryä tuchoda padyevyä dárya: “Saryityi jasachu ti tara niquejadatara jiryä tuchoda padye, sajasachu Jüdenü simura diitya, jiryatij nüchära jiyü darya. ¹⁹Saryityi sovay tira tara niquejada jiryä tuchoda padye niquejadamusiy, sasovay Jüdenü rivasirya sayarurya jnyada padyevyasyi, sayarurya Jüdenü jiiintyasara vichadamu vichada jaryentij, jiryatij nüchära ranchij jiryä tuchoda padyevyara.”

²⁰Sütay jíta jiryä niquejada tuchü: “Jo, varenunuma rajvi.”

Daryani rachasara Vuyntyityü Jesús. ²¹Samij vichasada jiryejyü títajü, Vuyntyityü Jesús musiy. iDaryaniday rachasara títajü!

Ritoma Jüdenü niquejada